



安徽通志

ル 5
1575
68



凡四
1573
6



重修安徽通志卷二百二

人物志

忠節一

夫忠節尚已歷稽往籍代有完人不以皖南北風氣之剛柔為異亦不因祿位之大小有無而殊我

朝

列聖相承勸忠典懋其有授命勤事者

旌卹從優卽勝朝殉難諸臣猶蒙

賜諡褒嘉以示公義而維綱常是以薄海臣民感激奮發捐糜頂踵水

火身家甘之如飴而無所於悔川楚陝蕩平而後如海疆之役

髮捻苗回諸匪之變報

國者指不勝屈矣故今所修輯人數較多於舊志然猶第取其從

軍帶團身在行間親冒矢石與夫闔門捐生者耳邂逅殉難諸人別具忠義表述人物志忠節

安慶府

吳陳武字子烈廬江松滋人年十八謁孫策於壽春因從渡江拜別部司馬策破劉勳多得廬江人料其精銳以武為督所向無前及權統事轉督五校仁厚多施鄉里遠方客多依託之尤為權所親愛進位偏將軍建安二十年從擊合肥奮命戰死權哀之自臨其葬三國志本傳

宋傅高太湖人景炎中張德興起義兵高率眾應之為元所破被執不屈死之一統志

劉源字叔清淮西野人原義兵長也野人原性慷慨負大節咸

澆中聯絡山寨保障鄉里德祐元年范文虎以安慶降元景炎

二年源與淮人張德興殺太湖縣丞據司空山傅高舉兵應之

源建寨野人原相犄角復黃州壽昌軍與元宣尉使鄭鼎戰焚

口鼎敗墜水死八月元兵攻源寨不克遂移兵襲司空山張德

興傅高皆死黃州復陷源不勝憤力戰而死自景炎至祥興守

禦凡三年一統志

元葛昂字銘德潛山人元季兵起募義兵保障鄉里駐皖山累

立戰功事聞授安慶萬戶府金符千戶後天完兵攻安慶府城

陷死之江南通志

陳道夫懷甯人余闕守安慶辟道夫為懷甯尹撫綏有方陳友

諒攻安慶闕欲自殺道夫曰忠臣當死於敵今力尚未窮宜死

守幸一戰而勝可保全江淮矣闕從其言遂屢卻強敵城陷與

闕同死之一統志

按元史類編載與關同死者有陳巨濟桐城人其事與道夫相類不知是一人否也

章祥桐城人從余闕守皖為義勇都司城陷赴敵死同邑胡顯祖應募為義兵帥從闕戰城下屢有功闕既殉難顯祖與其族中五彌盛天壽友忠並死之

桐城縣志

明王勝桐城人善讀書尤好兵法元末歸明太祖累功官左元帥攻陳友諒取江州賜金帶良馬鄱陽之戰謀火攻勝應募詐降夜縱火焚其營乘火奮擊大破之勝力戰死時至元二十三年七月辛卯也贈太原郡侯肖像康郎山忠臣廟

明史趙德勝江南通志

甘霖懷甯人洪武丁卯舉人建文時官御史剛介敢言靖難兵起被執不屈從容就戮子孫相戒不復仕

明史王度傳

國朝乾隆四十一年

賜諡節愍

勝朝殉節諸臣錄

方法字伯通桐城人洪武己卯鄉薦官四川都司斷事成祖登極諸司表賀當署名不肯投筆出被逮舟次望江瞻拜鄉里曰得望我先人廬舍足矣自沈於江

明史方孝孺傳

國朝乾隆四十一年

賜祀忠義祠

勝朝殉節諸臣錄

柳升懷甯人襲父職為燕山護衛累功遷左軍都督僉事永樂初從張輔征交趾還封安遠伯七年從陳瑄帥舟師巡海大破倭追至金州白山島明年從北征大破阿魯台進封侯帝凡五出塞升皆有功宣德元年命充總兵官征黎利連破之升易賊而不設備追至倒馬坡馳渡橋橋壞後隊不得上賊伏四起陷

泥淖中中鏢死子溥襲正統十二年贈升融國公諡襄敏明史本傳

江永望江人襲杭州前衛指揮僉事正統十三年隨軍征剿衢

州府盜賊至江山縣奮勇陷陣亡贈指揮同知浙江通志新增

俞鑑字元吉桐城人以進士授職方主事英宗北征郎中胡甯

當從以病求代鑑慷慨許諾或曰家遠子幼奈何鑑曰為國臣

子敢計身耶尚書鄭埜知其賢數與計事鑑曰惟力勸班師耳

竟死土木之難明史王佐傳

周璽字天章太湖人成籍廬州宏治丙辰進士授吏科給事中三遷

禮科都給事中武宗初即位請毀新立寺觀停止醮事正德元

年應詔陳八事帝雖不加譴不能用也明年擢順天府丞璽論

諫深切率與中官牴牾劉瑾等積不能堪會命璽與錦衣都指

揮楊玉勘近縣皇莊玉本瑾黨同官皆下之璽辭色無假公移

與玉止牒文玉奏璽侮慢敕使瑾即矯旨逮下詔獄考掠死瑾

誅詔復官賜祭恤其家明史本傳按璽祠墓並入廬州

汪鑾懷甯人正德己卯宸濠叛攻城北鑾遇賊被執脅令諭城

中出降且誘以官鑾至城下大呼曰王師已破南昌可堅守賊

怒解其屍眾犬爭欲噉之一犬守護甚力見者知係鑾犬因知

為鑾屍也有司狀聞詔旌其門一統志

張澤字大被桐城人嘉靖中由選貢歷沅江巫山知縣遷衢州

通判廣安知州皆盛著政績吏部察其廉能書名於壁以治行

卓異超擢雲南僉事武定土酋鳳繼祖叛圍武定新城督兵馳

救被執使作書乞撫澤叱之尋見殺事聞贈光祿少卿賜廟額

忠節一統志明史雲南土司傳

黃孟五潛山人以義勇從討倭賊屢立戰功授千戶賊懼其勇

併力擒之脅之降不屈賊支解之安慶府志

張維忠太湖人少負技勇萬曆十七年賊劉汝國倡亂焚掠蘄黃太宿閒維忠集義勇助官兵往剿賊敗維忠亦戰死邑人立祠祀之是時同死者宣縣丞及張鎮吉夢麟等凡五人皆祀於

廟安慶府志

王來聘懷甯人明史作京師人崇禎四年中武會試視文榜例傳臚錫

宴定一甲三人來聘居首即授副總兵武榜有狀元自來聘始來聘既拜命感激流涕誓報國恩明年孔有德據登州叛官軍攻之不下又明年二月以火藥轟城來聘先登中傷而死事聞贈廕有加明史姜名武傳懷甯縣志

國朝乾隆四十一年

賜諡烈愍勝朝殉節諸臣錄

張秉文字含之桐城人祖澹自有傳秉文成萬曆庚戌進士歷福建右參政與平海寇李魁奇進山東左布政崇禎十一年冬大兵自畿輔南下巡撫顏繼祖奉本兵楊嗣昌檄移師德州濟南空虛止鄉兵數百秉文等分門死守晝夜不解甲援兵竟無至者明年正月二日城潰秉文巷戰被箭死之妻方妾陳並投大

明湖死贈太常卿明史本傳

國朝乾隆四十一年

賜諡忠節勝朝殉節諸臣錄

阮之鈿字實甫桐城諸生以劉若宰薦授穀城知縣未至賊張獻忠已據其城求撫總理熊文燦許其屯牧居民洵洵之鈿至盡心調劑民稍安之鈿上疏言獻忠虎踞其謀叵測臣愚妄謂撫剿二策可合言不可分言時不能用又密啟文燦請設備不

答獻忠屯穀經年反形漸露之鈿憂憤成病題數語於壁自誓以死獻忠反遣使索印之鈿大罵遂死之後贈尙寶少卿

明史本傳

國朝乾隆四十一年

賜諡忠節

勝朝殉節諸臣錄

孟振邦字維新安慶衛世職乞休歸養中丞史可法強之出使視衛篆擢參將左兵陷城遂死之月餘始得屍顏色如生

江南通志

國朝乾隆四十一年

賜諡節愍

勝朝殉節諸臣錄

夏統春字元夫桐城人以諸生保舉授黃陂丞嘗攝縣事著廉能聲崇禎十五年賊犯黃陂統春已擢麻陽知縣未赴乃督眾拒守凡十五晝夜賊偽解去越五日突至陷城統春巷戰被執欲屈之指賊大罵賊怒斷其手猶罵割其舌目怒視乃剜其目

仍以頭觸賊遂支解之

明史本傳

國朝乾隆四十一年

賜諡烈愍

勝朝殉節諸臣錄

胡纘字瑟若桐城人由拔貢中崇禎己卯副榜官江西臨江府推官楊廷麟守贛州纘偕弟庠生繹守備納協力助守屢挫賊兵賊潛師來攻猝不及備被執纘呼曰吾殉國難二弟可自裁繹納並死之

桐城縣志

國朝乾隆四十一年

賜諡烈愍

勝朝殉節諸臣錄

舊志載胡纘桐城人官建昌通判從江西布政使夏萬亨守建昌城破被執至武昌不屈死注明史董盡倫傳按董傳之胡纘永甯人死奢崇明之難既非桐城亦未官江西疑必有

重修安慶通志 卷一百一十一
誤故改從縣志

孫臨字武功桐城人官監軍道副使監楊文驄軍兵敗被執不

屈死

明史楊文驄傳

國朝乾隆四十一年

賜諡節愍

勝朝殉節諸臣錄

唐鳳翥宿松人官仁壽知縣以慈得民崇禎十七年禦賊吮血

裏創力戰而死

四川通志

國朝乾隆四十一年

賜諡烈愍

勝朝殉節諸臣錄

王九鼎字在德潛山歲貢生知武強縣以不肯催科忤臺使挂冠歸尋補江西按察司知事移知儀封創築甌城流寇不敢犯改補故城縣城薄不可守寇至自瘞其印死之先是九鼎以單

騎赴任親知無在左右者子基泰時泰叩闈上書奉旨查覆撫

臣黎玉田等稱其歷任屢著惠績一死凜烈千秋贈太僕少卿

蔭一子

一統志 明史孫士美傳 安慶府志

國朝乾隆四十一年

賜諡節愍

勝朝殉節諸臣錄

江襟楚字雲渚潛山人

或曰懷甯人

泰昌元年薦授興安知縣轉瓊

州府通判地苦蠻人爲患襟楚爲設備禦患遂止以疾歸崇禎

江南通志

丁丑遇流賊被執不屈截舌而死

國朝乾隆四十一年

賜諡節愍 勝朝殉節諸臣錄

陳學良字象頤望江人以明經爲祁門及嶺東韶郡教職歸里後與弟學開隱居講道乙亥流賊徧鄉落除夕呼弟曰吾兄弟

豈得常聚首乎因同守歲達旦猶行交拜禮次日賊入露刃挾

江南通志

之學良厲罵遂遇害時年七十八

江南通志

王基培字爾因潛山人弱冠補諸生明末寇亂乃棄舉子業從

事戎行人監軍楊卓然幕以功補太湖縣城守獻賊破城不屈
死之一門四十餘口俱遭屠戮

江南通志

胡士恂懷甯人性至孝學邃於易左兵陷城罵賊死妻張氏亦

赴水死二子再寅紹虞俱悲憤不食死紹虞妻蔣亦自縊死時
同邑庠生何雲方應旂陳尚炳及張應奎俱以罵賊死應奎年
七十著有大衍圖邵子圖中圖解西銘說又布衣方都翰遇兵
代父死蔣奕之阮之鈺乙酉城潰救母死黃淡城潰母被刃與
兄中通中德俱救母死

江南通志

吳普昭字克明桐城諸生崇禎丁丑流賊逼掠率鄉民團聚格

鬪十餘日被害妻孫氏痛哭死其子光璘光璿殉之婦李氏許
氏義不受辱皆死人謂一門五義云

江南通志

胡三友桐城諸生率鄉人團練殺賊踰年眾潰獨率子弟十數
人前拒皆死之

桐城縣志
新增

笄光宏字宏生桐城人端方有介節崇禎丁丑遇流賊不屈死

之

江南通志

姚孫極桐城人崇禎丁丑流賊入境其父之章禦之死孫極年
十六以身翼父遂死之

桐城縣志

左光燦桐城諸生崇禎丁丑遇賊被縛搜袖中得一簿知爲保
障一方計厲聲叱之光燦罵曰殺卽殺耳鼠輩更何問哉賊怒
拔舌斷足備極慘毒而死時同邑庠生左旗王夷吾趙之葵姚
孫林陳力俱以罵賊死

江南通志
安慶府志

忠節

王祥吳鼎和俱桐城人崇禎壬午死流寇之難桐城縣志

周日耀號盤石桐城人外兄左光斗被逮日耀獨送之至京左

死於獄仍扶其櫬歸甲申五月聞京師破仰天大慟絕粒九日

嘔血卒江南通志

汪之璞字石生潛山人流寇為亂眾聚保崑崙寨推璞為長獻

賊環攻璞以計多所斬獲寨賴以全嘗上剿撫八策於撫軍黃

配元召致麾下會省親歸寨遇寇被執大罵不屈賊支解之統志

陳貞申潛山人郡庠生少負志節有文行崇禎丁丑為流寇所

執不屈賊曰爾秀才可為我供書寫貸爾死貞申厲聲曰我豈

為賊役者憤罵不已賊支解之同邑徐益隆諸生王世美明經

吳自周以明經為九江訓導皆罵賊不屈死又徐顯問諸生聞

京師陷赴江死王立邦罵賊死旬日溽暑面如生江南通志

劉守中字禺中潛山人崇禎中以明經授涇縣司訓乙酉五月

南京覆知縣王先甲遜邑紳士推署邑篆八月涇城破守中懷

印死涇志載名宦江南通志

韋燧字立吾太湖庠生與弟炳焜皆有勇力崇禎八年流賊

犯境燧糾里人殺賊千餘十一年賊眾大至燧力不支與炳焜

均戰死太湖縣志

邱全潛山人土寇攻崑崙寨脅全招降全至砦門大呼固守勿

降賊剗其腹而去江南通志

王鼎臣吳夢暘雷編祚俱太湖生員崇禎十年被賊執不屈死

江南通志

戴君德太湖生員通五經精律數著有古史斷行世少孤事母

以孝聞崇禎壬午流賊陷城憤罵不屈死之妻沈氏媳雷氏攜
兩女孫同赴水死同邑生員雷膺祚雷廷發阮之甫黃應龍俱
以守義不屈死

江南通志
太湖縣志

何大同字于野宿松廩生崇禎壬午流寇猝至被執擁至寨下
曰爲我呼開寨門不應又擁至一寨曰前堡爾家所在今可
速賺之同罵曰孰非戚里我豈以一命陷彼數百命哉遂遇害
同邑柴維煥字有文遇賊被執見其軀幹强大欲強之俱不屈
殺其子以脅之遂與三子同被害又同邑陳昌言字展銘庠生
夏時行字生之廩生皆不屈死又石思琳字中潤以禦左兵死

江南
通志

陸王猷宿松人以武舉授把總力能扛鼎崇禎十年守鄆家店
殺賊甚多賊憾甚合圍擒之斃分其肉而死

明史陳
于王傳

國朝乾隆四十一年自陳學良以下並

賜祀忠義祠

勝朝殉節
諸臣錄

許球桐城人崇禎庚辰應募爲兵馬司指揮癸未蘇撫張國維
請兵以球領鎮江兵扼淮河渡口賊夾攻之奮戰陣亡

桐城
縣志

方承宣字孟相桐城拔貢官休甯訓導休饑申請賑卹流寇擾
境竭力守禦甲申闖賊陷京師承宣悲悼絕粒而死

休甯
縣志

張鳳翥宿松人崇禎辛未進士知嘉興縣發弊懲奸吏皆畏懼
民苦久役值編審行均田法至今做行累官兵備副使分守承

德護顯陵薦推巡撫未任闖賊東下登陴嚴守而郡屬開門迎
賊鳳翥身受三刃扶創走郢鄂募兵恢復死於路

江南通志
浙江通志

徐際相太湖人署龍山營守備闖賊餘黨焚掠蕪黃將抵湖時
新破後城無居人際相率兵保邑令於許家寨賊至堵禦殺數

十人以無援力戰而死太湖縣志

鄭之僑潛山諸生流寇入潛率鄉眾保聚飛旗堡見堡眾漸為

賊所搖惑欲單騎出奔為讐家先以情告賊遂被殺安慶府志

馬之球桐城人崇禎壬午寇至與弟之瑚聞道省親猝遇賊脅

降不屈遂同死從弟達亦不屈死同邑許學賜汪迥方君簡陸

銓項希凱胡順祖又庠生吳道悅皆以罵賊不屈死桐城縣志

許學傑桐城人壬午賊至扶父避山中被執將殺其父學傑號

泣請代賊釋其父而殺之桐城縣志

胡自琳桐城人寇獲之脅使前驅不從被刃腸出而罵不休遂

死之桐城縣志

雷之威桐城武舉官肇慶營守備致仕歸流寇擾桐之威保護

四鄰賊恨而合力攻之遂被害桐城縣志

吳用享桐城庠生流寇掠桐用享率鄉人與戰連破之後以無

援眾散遂與妻楊氏及子女皆死桐城縣志

王焱桐城人署六安營都司守固始崇禎壬午二月奉檄赴皖

遇賊寇桐力戰不屈死桐城縣志

齊維熊桐城諸生崇禎壬午自六安歸遇賊北峽關誘降不從

叱之跪不屈罵不絕口死之桐城縣志

王之慶字修祐望江人以明經知尤溪縣乞養歸親喪哀毀骨

立流寇偪境之慶聯鄉里為人和社以捍禦之甲申京城陷慟

哭不欲生左兵東下良玉死其子夢庚降陰請屠望江城之慶

以計排之得紓其難鎮臣徐勇欲用為黃州守之慶行至九江

投琵琶亭後小池死望江縣志

胡如理桐城諸生史可法督師揚州開禮賢館招致四方之士

如瑄與焉薦授監紀推官揚州破可法殉難如瑄死之桐城縣志

馬懋功桐城副貢福王時高宏圖薦授杭州通判去從萬元吉

守吉贛擢監軍僉事湖西兵備參議出督水師被截焚舟赴水

死桐城縣志

左德球桐城歲貢官湖廣沅州知州城破德球死之德球即諸

生左旗之父也父子皆以忠節死士大夫莫不哀之桐城縣志

張士繩桐城諸生崇禎丁丑避賊鷄籠山賊至拒之鬪死桐城縣志

周昌洛桐城人丁丑賊至執其妻王氏欲辱之昌洛奮賊刃刺

賊遂夫婦皆為賊剖死桐城縣志

周昌岐字守一桐城人周昌洛之兄也父歿廬墓三年鄉人推

為團長拒左良玉叛兵後死於淝水之戰桐城縣志

許世珠桐城諸生家舒之高峯遇賊被執不屈死其妻胡氏聞

而趨視之一慟而絕於屍傍桐城縣志

朱兆祥字鳳儀桐城舉人知湖口縣民立生祠歷官鄭州知州

以外艱歸築室墓側流賊充斥入城竭力守禦左兵破安慶北

拜撞石而死桐城縣志

孫光裕桐城人考授中書舍人天啟末璫禍熾乞養歸左兵陷

城端坐罵賊而死桐城縣志

馬懋贊桐城廩生左兵入城與弟懋修爾恪俱不屈死桐城縣志

沈瀾宿松庠生賊至索金帛不答惟大呼逃竄之人曰為語吾

弟善事老母遂罵賊死宿松縣志

劉宗仁太湖庠生憤闖獻二賊充斥繕疏赴南京進呈格不得

上慟哭還自沈於江而死壬午獻賊陷城其族劉必龍與戰死

劉氏同死者諸生從善從龍之傑之炎之兆之吉之仁闖賊陷

都城諸生劉必登與其叔士元士魁弟必善姪孫明榮望闕叩頭投石龍潭死是時諸生不屈而死者尚有彭法聖張自達吉天相萬元吉章明寵許詒元王家仁黃祚增諸人安慶府志太湖縣志嚴明炤潛山人流寇偏境待母不去賊至叩頭求免賊釋之母卒又為寇執毅然曰向為親屈今豈可再辱遂憤而鬪死之同時諸生鄭著中朱應旂鄭邦符謝嘉猷金承裘葛廣皆以罵賊死又盧勝任盧全銀張應慶皆不屈死潛山縣志張棟潛山人與母徐氏媳馬氏義不受寇辱赴水死潛山縣志盧繼治潛山人年僅九齡賊愛而撫之大怒罵賊而死潛山縣志張一鯤太湖庠生流賊猝至鯤以弓矢衛眾入山自倚大樹以待賊眾縛之罵不絕口斷舌及肱以死舊志項惟德桐城人官陝西林夏衛經歷升四川布政司經歷甲申

獻賊破城惟德力鬪被執誘降不屈罵不絕口賊殺之妻巴氏及奴婢皆不屈同日死

國朝道光六年

旌表建坊入祀忠義祠桐城縣志

吳國琪字大玉桐城人贛州副總兵從唐王督師楊廷麟總督

萬元吉守贛順治三年城破死之闔門殉難桐城縣志新

國朝汪吉字迪菴太湖人順治初以軍功授荊州遊擊賊小李等突犯當陽我兵駐防者寡吉奮勇當先挺身衝賊中堅手殺數十人身被數十創歿於陣事聞

贈蔭

賜祭葬一統志

韓應震字伯卿太湖人安慶府志望江人順治己丑由明經授廣東信

宜知縣三年擢兵馬指揮未出廣遇寇犯信宜守將田自強叛
為內應縛應震送寇營脅降之應震大罵不屈死雍正八年

恩准祀忠義祠

一統志

李甯和字文豹懷甯拔貢順治閒官廣東翁源知縣擒斬鐵腳
苗逆遷江西瑞州府同知逆黨狙於途射害之姪儻及家屬十
餘人死焉得

旨優卹祀名宦祠

懷甯縣志 新增

趙煥文懷甯人官陝西白水縣典史康熙戊午興安賊叛上官
檄煥文招撫賊執而脅之煥文厲罵乃拔舌剜目棄屍井中事
聞

贈主簿

賜祭蔭一子

一統志

徐益志字維升潛山人順治五年投誠授遊擊領兵平四十八
堡連下十餘寨賊用向導從閒道襲破之罵不絕口死巡撫李

猶龍旌以捐軀報國扁額

安慶府志

方希鼎懷甯人官撫標外委從征海寇遇賊金山戰死

懷甯縣志

江一龍懷甯人兄弟五人皆以勇力聞康熙初餘賊未淨鄉人
奔竄龍率兄弟拒之敗賊於高河埠賊憤甚乘夜來劫龍不及
備全家遇害賊去一鄉獲全五人力也

懷甯縣志

陳豹懷甯人由吳淞營守備左遷安慶撫標千總康熙甲寅調
征祁門陣亡事聞

賜銀二百兩蔭一子

安慶府志

方相袞桐城人官邵陽縣黑田司巡檢乾隆乙卯征苗委運軍
糧至麻陽滴水巖遇匪露刃脅降相袞厲聲罵賊死事聞奉

旨以知縣優卹祀昭忠祠給與雲騎尉世職無子弟相宸襲桐城縣志

雷陞字國材太湖人蘄州營兵乾隆三十六年從征大小金川

保行營千總越二年軍堵普後山梁夜偵賊砦受傷回營而死

太湖縣志

吳學濂太湖文生乾隆間在陝西雒南縣死教匪之難奉

旌祀商南忠義祠太湖縣志

左堯臣桐城人官遂平典史嘉慶元年罷職投効湖北軍營屢

出剿賊斬獲百數值孝感黃柏山匪徒滋事隨軍往剿力戰歿

於陣事聞

賜卹祀昭忠祠子德昕給與雲騎尉世襲桐城縣志

盛殿元懷甯人安慶營千總嘉慶二年從征湖北教匪遇賊於

恩施縣五寶山陣亡

賜卹白金三百兩祀昭忠祠子襲雲騎尉懷甯縣志

孫貴懷甯人從征教匪隻身夜往殺其邏者偽為賊擊柝遂入

賊砦大呼軍至賊驚起自相蹂踐死者數十人以功授千總後

戰歿

賜卹白金二百兩祀昭忠祠以弟得榮襲雲騎尉懷甯縣志

張紹庭懷甯武生以馬兵從征教匪數上首功大帥未及請而

戰死懷甯縣志

何廷佐懷甯人幼隨父遷陝西商南縣嘉慶元年教匪入陝糾

鄉勇禦賊松樹溝有功二年賊破其營與弟廷彩廷芳廷玉俱

戰死惟兄廷彥得免負母入山妻李氏罵賊賊射殺之事聞祀

昭忠祠九年

敕如外委例議卹子孟保襲雲騎尉懷甯縣志

重修安慶通志 卷二百二人物志 忠節

安慶府

龍魁望江人官守備嘉慶二年隨征剿匪於達州賊堅壁不出帥令出奇制勝者魁乘晦銜枚入敵壘將舉火焚其帳賊驚覺圍之數重手殺數十人而死事聞

賜卹祀昭忠祠

世襲雲騎尉望江縣志

祝方中宿松人寄籍湖北為郎西庠生嘉慶元年以率義勇距教匪功授八品銜二年春往援上津至七里礮遇賊力戰被執不屈死祀郎陽府昭忠祠子馨歸籍為宿松諸生宿松縣志汪正乾桐城人僑寓郎陽教匪滋事正乾陳備禦計於邑令招集勇士與之協力嘉慶元年擊走賊將彭道遠於馬鞍川又破賊將吳名遠於黃龍山二年與賊魁徐案川陝教匪事諸記載皆作齊二寡婦大戰馬鞍川眾寡不敵自刎死事聞

賜祀昭忠祠

桐城縣志引湖北通志

王士英張定國皆宿松人嘉慶二年以潛山營守兵隨參將諾音保征湖北教匪歿於陣八年

敕祀昭忠祠

宿松縣志

李榮華太湖人嘉慶二年從征教匪陣亡於馬河壩同邑石元陣亡於羊公頭又范申往陝西生理應募充鄉勇嘉慶七年陣亡於盤屋縣黑挖搭地方劉惟堯充湖北郎陽縣鄉勇陣亡於上津堡均

敕祀昭忠祠時同郡奉檄從軍先後陣亡者營弁則安慶營防江守備李根長潛山營外委白榮安兵丁則郭連升白魁倪國政李世泰柯正元錢得龍王廷貴王以德馬迪慶王德榮呂升胡貴劉楷陳廣曹相劉魁陳得勝朱得成曹國華李楷雷福徐朝選王成玉陳人杰吳士全馬迪彩滕定國陳國泰懷朝貴熊華金元

馬春丁昌福李世榮沈加祿楊應魁楊得榮王定國聶龍詩馬起龍蒯名高張迪華鄭華董祿楊得友張起雲張楷以上俱懷甯人江泰許桂張安國柏愷李高魁楊正祥以上俱桐城人徐得恩儲揚王世綱朱華濮揚涂國林徐起鳳馬駒孫攀桂何吉馬良駒林恩勝程安國王世泰王斌汪榮魁徐贊查雲高朱爵張元徐延珍孫鼎紀榮祿徐枝仁張連高王定國李朝曹德元曹魁元王蘭牛必貴楊占魁陸吉葉安葉安邦以上俱潛山人均

賜祀昭忠祠安慶府志

張忠恕太湖監生嘉慶三年從征漢中追剿教匪於城固縣之柳林陣亡太湖縣志新増
唐義重龍登虔江彩高黃啟元汪榮山張孟達張國順張政國吳宏富汪名月戴坤聯朱士貴方席佐李谷太王路阮玉陞汪

金山曹映登廖學武李善風羅光南廖湘武廖位南陳庭耀賀名遠吳一才俱太湖人僑居湖北皆死於教匪之難祀鄖陽昭忠祠湖北通志太湖縣志新増
吳恩濺桐城人嘉慶庚申以吏目揀發陝西值教匪滋事委解軍餉赴台站日夜奔馳目不交睫者月餘積勞卒事聞奉

旨加恩照歿於王事例

賜卹贈府知事祀陝西昭忠祠桐城縣志
孫昇桐城人嘉慶十八年客滑縣知縣強克捷幕中賊匪亂與妾林氏俱死節事聞

賜祀昭忠祠桐城縣志以上舊志

新牆驛剿髮逆陣亡懷甯縣志新牆驛之戰尚有千總章寶翎把總

齊能斌外委何翔齡周森兵丁高步青盧茂秦等七十二人均

陣亡潛山縣志又把總江占鼇同子外委國才在南津港戰歿是年

千總汪萬青率營兵馬宏啟等百五十人在湖北省城堵剿髮

逆陣亡懷甯縣志

儲金海潛山武生外委咸豐二年同侯炳南侯中元涂國祥從

征湖南與髮逆戰於岳州新牆驛均陣亡金海世襲雲騎尉潛山縣志

吳虎林字月樵桐城人廣西縣丞咸豐二年在廣西帶勇剿賊

陣亡蒙

恩賜卹蔭子入監桐城縣志

洪運昌字以清桐城人廣西代理永福知縣剿賊陣亡世襲雲

騎尉桐城縣志

王澤字克生懷甯人江蘇從九品咸豐三年假歸省親值髮逆

東竄安慶陷父芳鏞守城被傷澤赴救禦賊死之世襲雲騎尉

同時從九夏雲階亦死之蒙

賜卹又把總吳尙廣八品銜徐世恩候選縣丞夏光前把總趙玉龍外

委趙承恩營兵楊士元詹錦楊玉周萬春王德彪均陣亡尙廣

玉龍並全家殉難差弁丁攀桂武生丁仁發從九品查懋杰汪

瑞珍民人邵之尙趙宏塾張雨泉李興浩何本華張樹賢蔣祐

齡蔣逸民均各闔門殉難未入流管連蓀諸生黃道隆洪兆鼇

俱死之懷甯縣志

徐昌潛山武舉以湖南新牆剿賊軍功五品藍翎咸豐三年從

潛山營游擊德成至安慶省城禦髮賊於懷甯之九華嶺陣亡

世襲雲騎尉潛山縣志

盛啟泰懷甯人守備咸豐三年髮賊犯集賢關啟泰同千總嚴如龍朱占春王錦太把總楊升泰大烈馮斌馬鳳亭外委何永清吳得有附生艾懷高武生艾奪標艾春來八品軍功朱貴營兵吳學林義勇張應發黃塏等四十餘人均力戰陣亡是役也官軍分爲三路并守各隘守備徐鵬禦左路防江哨官雷陞兵丁潘長發義勇陳春陽均防新寨嶺張力廣等防團山頸王曰倉暨子國樑等防小且記嶺子友祥等防石門均殺賊陣亡懷甯縣志

旨祀忠義祠世襲雲騎尉子士勳襲後在巢縣東關陣亡懷甯縣志又六品

軍功馬聲發衝突重圍再入再出殺賊轉戰至桐城受傷死官憲武宣保泰韓春林等俱不屈死之懷甯縣志

楊明發懷甯人參將咸豐三年同哨官楊昆在江西南豐縣剿髮逆陣亡是年把總施鴻恩在懷遠剿捻逆陣亡千總邵春暉外委朱發沈占魁軍功胡銑均從江忠源在廬州府殉難守備銜王國賓民人張沅龍均在江甯省城全家殉難河南武安縣典史徐大咸在任殉難懷甯縣志

徐繩武潛山人千總兼恩騎尉世職咸豐三年調守廬州轉戰臨淮傷重卒於軍又五品頂翎王玉在臨淮陣亡潛山縣志

楊鼎勳望江地保咸豐三年典史張寶華之被戕也鼎勳稱好官求釋不得亦死之望江縣志

徐豐玉字子逢一字石民桐城太僕寺卿鏞子也智勇兼人歷官貴州平遠威甯黃平知州郎岱同知署惠州府知府所至盜賊斂迹訟獄衰息率勇剿黃平盜巢盡殲其渠咸豐二年擢湖

北黃州府知府值粵匪犯長沙調守湖南省城疊次擊賊自八月至十月圍始解時徐廣縉奉

命接辦兩湖軍務豐玉請進援岳州及移駐黃州皆不聽三年春

特旨授湖北督糧道旋署漢黃德道會同江忠源剿廣濟亂民方士相

等斬平之是年夏粵匪自金陵分竄江西復擾湖北豐玉與道

員張汝瀛軍田家鎮欲分營南岸半壁山兵單不可分乃列營

江北又於沙嘴紫木簰城八月賊由富池口來攻迎戰連捷出

木簰以礮轟碎賊船賊退回富池時兵勇纔二千餘餉復不繼

屢請救援未至九月知府李楨追賊至富池陷淖死賊船遂乘

勢駛撲木簰別掠舟渡江北燒田家鎮營兵潰張汝瀛先死豐

玉躍馬接戰手刃數十賊力竭自刎死之事聞

救賜祭葬贈世襲騎都尉同治七年奉

旨予諡勇烈建立專祠子宗亮襲世職同時有吳冲謨字士衡桐城諸

生從豐玉軍田家鎮事急豐玉使冲謨跳免不可遂同殺賊陣

亡蒙

旌卹如例 桐城縣志

方先甲字慎之上元縣歲貢方恩露字雨培上元縣副貢俱原

籍桐城人先甲事母孝輕財好義能文章恩露從先甲學內行

純篤著有文思堂詩文集咸豐三年江甯陷先甲夫妻子女闔

門自盡恩露罵賊死之 桐城縣志 方宗誠柏堂文集

張元煒字偉人桐城人四川西昌縣丞道光初成都孫占鼉之

變擒獲首惡擢知縣歷石泉南部冤甯巴縣所治嚴平不苛蜀

人感之咸豐三年在籍防堵城陷遇害祀昭忠祠 桐城縣志

張裕華桐城人衍聖宮啟事官在籍辦團咸豐三年同文童張

訓端禦捻被害順天府奏案又文童孫碩以辦團賞六品軍功城陷被害桐城縣呈冊

馬樹華馬肇元馬先甲俱桐城人樹華字公實由副貢江西州判擢河南通判告養歸建宗祠置義莊輯馬氏先世詩鈔太僕奏略翊翊齋遺書懷亭瑣記嶺南隨筆著闡幽彙記龍眠識略可久處齋詩文鈔肇元字六坪由增生舉孝廉方正學問淹通歷主大梁廬陽正誼各書院著周書年月考汲脩堂詩文集知足知不足齋筆記曉萊山莊銷夏錄先甲字毅卿由附監生官湖北巡檢告養歸均於咸豐三年城陷死難照陣亡例

賜卹祭祀昭忠祠世襲雲騎尉同族馬良斌字憲章馬德臨字景咸監生馬拱辰字晉康六品軍功馬雲衢字雨樵均死之良斌妻洪子福臻雲衢妾施女二人並從死俱蒙

旌卹祀祠建坊同時有從九品方是訓禦賊陣亡世襲雲騎尉又孝廉

方正吳調龍字子明訓導吳庭芬字仲喬文生王百藥字景芳江潤字初蘭葉杰字葭漁監生葉大薰字觀南從九品葉馨字研農及姪聚奎鹽知事銜文生左稽颺字丹巖及其孫毓崧童生何家駒姚子齡吳書宜吳煒孫鵬翼疏偉民人唐禮擲均各殉難其闔門死節者有文生姚寶同醫士李東明李壽李元魁從九品張同琨廩生吳振練總股其章倪敦吉監生鄧德燦鄧德燦併生項大章均蒙分別

旌卹桐城縣志吳庭芬同治九年世襲雲騎尉順天府咨案

王寶勝桐城文生六品頂戴咸豐三年同文童左崧吳孫默王孝和勇目余觀海余潮海張摛三帶團禦賊陣亡至同治九年

旌卹如例順天府奏案

馬瑞辰字元伯桐城進士由庶吉士改主事終員外郎緣事發
黑龍江釋回潛心經學著毛詩傳箋通釋及崇鄭堂詩鈔咸豐
三年髮逆犯桐城瑞辰命子星曙三俊等團練禦賊城陷星曙
及其子諸生登瀛巷戰死其姪孫八和被焚死瑞辰被執灼背
脅降不屈死之蒙

贈道衍星曙字仲榆監生豪邁尙氣節凡鄉里義舉如修學宮城垣考
院江隄豐備倉平糶散賑皆不避勞怨而總其成及其被害蒙
贈鑾儀衛經歷銜三俊字命之優貢咸豐元年舉孝廉方正三年賊踞
安慶奉父命練鄉勇上書巡撫條陳攻守之策官軍始駐集賢
關俄而挫退桐城旋陷三俊痛父兄姪姓皆死於賊亟圖報復
四年與知縣成福參將慶麟招勇霍山約提督秦定三軍圍舒
城慶麟軍襲潛山太湖而自帶勇襲桐城三路會剿行至中梅

河秦慶兩軍不至三俊遂入舒城縣之周瑜城援絕糧盡賊夜
襲之力戰死事聞奉

旨優卹與瑞辰星曙等建立專祠均各世襲雲騎尉三俊子復震由世
職從征積功歷官總兵輯三俊文字爲馬徵君遺集桐城縣志
柏堂文集
周元貞桐城監生桐俗東鄉多強毅習拳勇之士周氏族大尤
著名咸豐三年元貞團練鄉兵與族人永年率以禦賊戰死城
南東鄉人恨賊刺骨歷年獲賊生理及對仗殺傷者不可勝計
而周氏亦陣亡駿發等五十五人巡撫翁同書曾以其義勇奏
聞於

朝東鄉益以殺賊自効自後戰賊於茶花嶺陣亡周受百等二十
人於馬鞍山陣亡周典謨等三十一人於梁王廟高懷嶺陣亡
周友和周芳霖周怡元周咸元周夢珠等而卒能保境以免茶

毒又有監生周汝敬者曾助餉官軍被賊劫至廬江羅昌河服毒死

方宗誠兩江忠義錄

張勳字小嵩桐城諸生嘗倡瘞枯骨千餘具置恤養育嬰公費招集鄉兵擒斬土匪桐城陷走舒城六安乞師於呂賢基江忠源圖恢復不果咸豐四年宿遷舉人臧紆青帶勇來規桐城勳迎之為先鋒四戰皆勝卒同紆青陷伏死時有吳文謨者字翼甫往歲從勳奔走請兵備歷艱辛及是亦與於難均蒙

旌卹 桐城縣志

鄭承荃鄭承基鄭太俱懷甯人咸豐四年帶勇勞松柏等在太湖堵賊均陣亡撫標營兵陳占魁亦於是年在廬州剿賊死

懷甯縣志

周繼鴻把總葉榮處六品軍功俱潛山人咸豐四年率勇擊賊

先後在九華嶺龍井關陣亡吉升從榮處死之是年外委范履

祥亦戰歿

兩江忠義錄

張健翻太湖武舉青陽縣城守千總咸豐四年青陽城陷巷戰死

太湖縣志

李世臣字贊平太湖人廣東鹽經歷在籍捐資辦團咸豐四年粵賊犯太湖城陷力戰被害妾陳氏子德貽均死之世襲雲騎尉是役也武舉余青雲諸生周祖鍾帶勇守北門庠生王宗維守東門監生路世錚守舊東門監生李振源守南門諸生周湘張海融監生周玉庭周鼎銘守西門廩生趙國鐸練總章昌裔從九余政均余哲明附生周進余文魁周道南祝泰豫余祚春武生余祚雲童生趙繼蕓李鳴鑾勇目路得青等均禦賊陣亡余青雲余政均並同治二年照把總例世襲雲騎尉王宗維等

均咸豐間

旌卹

太湖縣志
兩江忠義錄

蔣慶曾字稼田太湖廩生能文尚氣節咸豐四年縣城陷慶曾驅家人自裁挈其子赴泮池死九年

旌卹

著有滄遺閣稿太湖縣志

王邦杰廩生王家煊武生俱太湖練總咸豐四年在宿松禦賊陣亡於同治二年蒙

恩卹

宿松縣志
太湖縣志

賀映黎字弼侯議敘八品吳賀秉字淮芳議敘九品俱宿松人宿松之賀氏吳氏一族也亦復稱吳賀云映黎事親孝嘗割股療父病又與同祖兄弟捐助軍餉萬餘金咸豐四年同其族孫秉督勇隨官軍收復太湖縣城又同剃髮逆於宿松之界陞河

連斃數十賊逆股由楓香驛來攻腹背受敵映黎陣亡秉被執

不屈死之均世襲雲騎尉宿松縣志

宋昌期字則菴望江舉人署湖南華容知縣咸豐四年教匪糾髮賊薄城昌期募勇固守會合援軍追擊走之尋復率眾來圍困守十餘日糧盡城陷昌期懷印自經

恩卹

祭葬贈知府銜蔭子州判望江縣志

孫耀衡懷甯人把總咸豐五年任懷遠帶勇陣亡又六品軍功鄭永清在廬州六品軍功馬榮美在六合六品軍功王寶書兵丁何慶華盛宏標等在巢縣均隨剿力戰死懷甯縣志

張聰榮字戟門桐城人六品銜咸豐五年在廣西全州死難蒙

恩賜旌

桐城縣志

石正鈞字振初宿松人江西從九品咸豐五年髮逆由湖北竄

擾江西義甯州陷正鈞奉差在州殉難眷屬走饒州遇賊闔家赴水死宿松縣志

陳洛周字伯鴻懷甯文生候選知縣咸豐六年在潛山禦髮賊受傷死是年六品軍功鄭士華與賊戰於潛山之一柯松把總馬龍彪軍功馬聲明曹德恆兵丁馬家良與賊戰於廬州之梁園雲騎尉徐士勳營兵王淦臣戰於巢縣兵勇張升宋必貴王貴玉戰於桐城均各陣亡外委邵楨六品軍功邵樽把總蔡長泰營兵陳建勳等剿擒賊於懷遠同時戰死又巡檢管兆蕃衛千總管齡父子在上元縣之涓化鎮五品軍功馬順清在六合俱剿髮賊陣亡管兆蕃並全家殉難懷甯縣志
張緯桐城人江西廬陵縣富田巡檢咸豐六年在富田汎地之男子橋剿賊陣亡世襲雲騎尉桐城縣志

方善福桐城人咸豐六年官軍駐桐城與賊相持善福與叔傳書捐餉為一縣最師潰被執不屈死桐城縣志

劉輝閣潛山武生千總銜隨官軍復潛太各城咸豐六年禦賊被執死潛山縣志

計德祥潛山人桐城天甯莊外委以功保藍翎把總咸豐六年在懷遠縣陣亡潛山縣志

王三畏潛山人六品軍功咸豐六年會同霍邱練總劉退志擊髮賊於潛山西門陣亡世襲雲騎尉同時從三畏死者十七人

又蘇洪巷戰死聶大有追賊陸家店死潛山縣志

儲寅潛山廩生嘗率親黨守三和山扼險禦賊咸豐六年助官軍收復縣城會乏食鄉兵散歸寅復傾家餉眾得三百人聞城復陷嘔血仆地半日而卒兩江忠義錄

宋沛霖潛山人咸豐六年會同霍山練勇攻賊追至陸家店被

圍戰歿兄作霖於次年戰賊黃龕中鎗死叔慎階族弟曲譜同

時被害又六品軍功劉蘭初在懷遠陣亡兩江忠義錄

周興盛太湖監生咸豐六年在舒城法華寺率勇剿賊眾潰嘔

血死兩江忠義錄

方道由太湖人咸豐六年隨剿潛山踞逆克復縣城已而復陷

死之祀忠義祠潛山縣志

楊誼蓮懷甯廩生咸豐初集團助剿籌備軍米七年禦賊廣村

被害又文生黃焯馬迪元俱殉難懷甯縣志

鄭自耀字午橋懷甯人雲南經歷洊升同知署景東廳咸豐七

年者千賊匪竄入瓶罐口防勇戰潰自耀督練前進被圍陣亡

同死者百餘人

贈道銜優卹准建專祠是年副將嚴鴻猷在直隸南樂縣東都司程富

元在河南滑縣都司汪長福在山東商河縣俱剿捻逆陣亡六

品軍功戴存慶在廬州府千總彭立正在和州團勇葉春發等

在休甯蔡長發等在合肥馬龍標等在巢縣俱剿髮逆陣亡懷甯縣志

姚世恩字孝寬桐城人從征廣西由軍功官江西贛州府經歷

代理定南廳同知咸豐六年夏七年春髮賊兩次圍城世恩激

勵士民堅守卻之賊退世恩履勘村堡隨兵不及千人賊大至

轉戰至九曲水受傷陷陣而殞奉

旨優卹世襲雲騎尉桐城縣志

張開運字子斌桐城人咸豐初陷賊中自拔得出六年官軍與

賊相持開運及同縣黃甲趙乙等二十五人說賊中偽職為內

應與官軍約屢失期七年師潰賊得開運交通狀遂被害二十
五人之家俱受禍開運臨難前日遺友人書言得死所無憾惜
不得樽酒痛飲訣別耳其從容如此相堂文集

劉恆茂郭德元俱桐城人咸豐七年率勇禦賊先後在白石嶺

黃柏嶺陣亡兩江忠義錄

王之由潛山監生咸豐七年同儲漢江儲孔書等帶勇襲賊湯

池阪與丁克儉等二十二人俱陣亡又有吳效坤手刃數賊與

儲義林儲桂廷儲保身儲禹桂汪東海劉公英俱陣亡潛山縣志

江忠義錄

楊前智潛山監生咸豐七年同陳崇禮儲浦還帶勇數百禦賊

黃沙嶺均陣亡是役王達才率彭光烈等百二十三人余能甲

同余贊疇等十餘人自成一隊黃春才同劉訪賢等十六人六

品軍功儲萬疆率儲蘭桂雷禮和等三十六人俱在黃沙嶺戰

歿歲貢徐琛首先起團及是團敗自經均蒙

亭邱祀

上清斑竹阪忠義祠又武生劉長青及華直道汪德懷等七人

王冠羣葛世慕楊燄林及黃永升等二十二人均以帶勇擊賊

陣亡潛山縣志

程金殿潛山人咸豐七年同程朝班等九十人操九保等十四

人及余行衛等均力戰髮逆於湖田等處陣亡縣丞王春亦禦

賊死潛山縣志

徐宗勝潛山人把總咸豐六年從秦定三克復舒城七年轉戰

屯埠營潰陣亡潛山縣志

宋如虎潛山武生六品銜咸豐七年禦賊黃龕陣亡世襲雲騎

尉又程高升在牛肩嶺陣亡彭賢相彭賢文蔣顯名均各闔門

殉難

潛山縣志

董傳薪字克甫太湖監生成豐初助軍餉五百金七年約團剿賊南陽河被執不屈死是年十月賊破新倉卡練總何清岳胡恆豐戰死監生汪發乾汪咸林諸生何元音何元珠在渡船口葉大文章景雲在龍山麓章福兆王燕卿王玉堂等十六人均在宿松之汪公嶺帶勇禦賊陣亡十一月賊破香茗山東西長冲練總軍功八品黃澤笏六品徐豔培五品王鳳池文章王德潤吳家岐甘纂之劉振端監生何熾胡傳慶同子秀鑑俱帶勇陣亡練長何占春練勇詹來之舒祈連張義玠阮儒先方傳金余忠貫皆陣亡

太湖縣志 宿松縣志 兩江忠義錄

李達春太湖人咸豐七年官兵集宿松達春率丁壯由茗山茅嶺進攻賊營殺數百人獲偽監軍李鳴玉於新倉渡口賊由

詭道來戰受重傷退三月堵賊桃花鋪被執殉節又章遵伊在來子廟嚴克昌在楊畢林及章邦林舒鸞翔何如春嚴時清盧義書嚴寓中吳保和諸生朱旭初均於是年帶勇陣亡其效死守卡及攻賊營者又有諸茂松劉本銘軍功黃錫祥及余安康等

兩江忠義錄

程甫亭望江人咸豐七年賊營張北山甫亭率眾燒走之與程樹椿鄒乘先武生陳佐濤均力戰死宋逢佳胡汗青陳繼勳蔡賡良李春田劉沃生方揚名等均陣亡於同治七年

旌卹

望江縣志 胡肇智奏案

王芳鏞字韻如懷甯人

馳封朝議大夫安慶之初陷也芳鏞率勇稽查西城受傷未殊從者昇奔潛山醫治得甦遂在潛山帶勇咸豐八年與髮逆戰於水吼

重修安慶通志

卷二百三

人物志

忠節

七

安慶府

嶺大關死之蒙

恩邨如例是年練總黎燮文章李必成六品軍功江奎監生程里萬子富文暨馬家珣程廣仁韓錫松汪大綱汪鴻猷均死之黎燮汪大綱汪鴻猷並全家殉難芳鏞次子賡先於六年在淮揚殉難

懷甯縣志

張翰懷甯人江西大庾縣典史咸豐八年大庾城陷同生母趙

氏妻妾子女八人投塘殉節

懷甯縣志

盛時舉懷甯人雲騎尉守備署廣德營都司咸豐八年帶兵剿灣沚賊陣亡是年外委江占先六品軍功孟蘭生戰兵洪占奎書吏江在廣游慶恩張克鷗均在定遠外委張吉祥武舉吳香桂六品吏員雷斌營兵曹起發李金亭均在廬州邵必貴在宿松程安文程康耀洪蘭階洪東巖在霍山俱各陣亡安文康耀

之家屬並殉難

懷甯縣志

葉球字叔華桐城進士由庶吉士改主事海升郎中以克復高唐功加道銜咸豐七年補江西南安府知府八年粵賊竄境固守七晝夜援絕城陷與從兄附監生璫及璫子從九品湛恩俱巷戰死蒙

恩從優卹贈祀昭忠祠均世襲雲騎尉

桐城縣志

董澂鏡字思陶桐城舉人官懷遠訓導咸豐初屢與知縣會籌防堵以功保知縣八年捻逆竄懷遠縣治失守澂鏡死之蒙

恩卹蔭祀昭忠祠

桐城縣志

朱蔚文桐城人力學課徒著有英初詩草咸豐八年官軍復縣城蔚文率子伯齡與族人維善道新為練總數月城復陷蔚文伯齡維善道新均死之同時練總葉瑞廷監生徐若符與團勇

重修安徽通志

卷二百三

人物志

忠節

三

安慶府

戴根貴等三十人均陣亡方大悅方根生白純語甘南薰均不
桐城縣志

屈而死又軍功吳庭樹禦賊烏石岡陣亡
兩江忠義錄

王緒爵潛山人嘗率勇扼大關口又戰賊湯池阪黃沙嶺咸豐
兩江忠義錄

八年賊竄天堂緒爵堵剿死之是年儲瓊玖在後河山徐全秀
義錄

在楊家河徐龍年在溪石河及劉復修俱以帶勇陣亡
兩江忠義錄

王興熾守備周歧山千總周立誠把總俱太湖人咸豐八年調
太湖縣志

防甯國府俱在黃池陣亡
太湖縣志

周濟美唐丹墀唐有德俱太湖人咸豐八年禦賊赤岡陣亡是
太湖縣志

年王正南在司空山紮寨防堵鄭調民率子德普在分茅嶺陳
太湖縣志

正之率子咸祥在江家河均殺賊陣亡
太湖縣志

劉焱望江庠生咸豐八年辦團練同朱承烈胡應鳳汪連城等
太湖縣志

帶勇擊賊均死之是年武生吳斌同韓美泰陳其福曹法元等

擊賊斗笠山練總方攀甲曹哲士帶勇擊賊老鴉灘均死之攀

甲之父庠生錫榮率子弟殺賊十餘人力竭與三子觀光及勇

目姜先益等百八十一人皆遇害又徐炎帶團防堵被執遇害

均祀昭忠祠劉焱

恩卹銀兩
望江縣志 胡肇智奏案

王元潛山武舉咸豐六年從李元華復潛山城已而仍陷八年

李續賓再復潛山旋有三河之挫潛山復陷元死之是年張德

彩亦帶勇禦賊陣亡王秀巒率徐林中等余芳聯同汪立德汪

立言等俱禦賊水吼嶺陣亡
潛山縣志

儲萬理儲篤因俱潛山監生咸豐八年禦賊月亮塘陣亡均同

治年

贈從九銜世襲雲騎尉萬理等並一門殉難是年儲景新同兄道傳帶

勇月亮塘與姪春麗春波春鳴等三十五人曹丙炎林殿傳等

百餘人均死之儲萬祺儲春芸帶勇揚旗嶺朱貴宗張京元王

心維帶勇牛肩嶺與吳蘭桂邵名揚王楚材王銘勳等俱禦賊

死潛山縣志

朱玉衡字秀立潛山諸生咸豐初倡義團練助官軍克復城池

七年賊竄天堂玉衡駐軍黃沙嶺會同本縣及霍山團練二千

餘人大戰嶺下殺傷甚多賊乃繞道抄襲義勇死六百餘人八

年隨知縣克復縣城聞三河軍敗嘔血斗餘卒兩江忠義錄

周芳寅字汝靜桐城監生嘗捐助軍需咸豐九年率勇禦賊縣

東被殺於羅昌河蒙

卹蔭如例同時練總余興春在黃檗嶺鮑得財方勝傳詹強林在黃家

山左梅溪在響水澗俱率團力戰死桐城縣志

章公敖桐城人六品軍功咸豐九年同其族人虎臣二貴三爵

友貴全仕文秀道麗道勝道美禦賊陣亡於同治七年

旌卹胡肇智奏案二

章汝鼎桐城人世居東鄉族眾與周氏相埒咸豐九年率族禦

賊於黃檗嶺白石嶺孫家阪高家坳殺賊無算汝鼎與章冠鼇

等十二人先後陣亡其後章同春率族章桂一等在廬江樊山

章如海率族章太和等在馬鞍山均於十一年戰賊死之兩江忠義錄

儲開元潛山武舉歷署泗州千總咸豐九年從葉兆蘭在兆營

擊賊水吼嶺菖蒲潭等處與六品銜武生儲烈俱陣亡均世襲

雲騎尉潛山縣志

汪春濤儲者才聶世芬汪炳南儲士彥一作俱潛山諸生咸豐

九年帶勇從知縣葉兆蘭禦髮賊破之於水吼嶺及槎水等處陣亡均

贈訓導銜世襲雲騎尉祀上清班竹阪忠義祠者才一門八十餘口士

彥十餘口先於八月亮塘之戰均各殉難槎水之戰王必興

首先陷陣死

潛山縣志

徐貴馨潛山人州同銜咸豐九年倡練禦賊逆水阪陣亡

贈知州銜世襲雲騎尉子子元承襲後亦殉難又王有貴馳援逆水阪

殺賊數人而死

潛山縣志

朱上林潛山人咸豐九年帶練堵賊於盱眙之曹家大港陣亡

又汪名炳在盱眙闔門俱死之

潛山縣志

童壽春太湖人咸豐九年紫熊家若屢挫賊鋒鏖戰陣亡

太湖縣志

殷胤字乙亭太湖舉人任定遠訓導咸豐八年同知縣周佩濂

率勇禦捻賊屢有斬獲九年城陷胤冠帶坐講堂被戕事聞

賜卹世襲雲騎尉定遠人祠祀之

太湖縣志定遠縣志

趙馥懷甯監生咸豐九年在天長守城與團丁潘貴俱陣亡是

年守備甘全把總雷春和外委鄧弼團丁楊松柏俱在定遠攻

捻匪陣亡營兵謝廷魁在店埠江山太在夏閣王俊在桐城東

鄉禦賊戰歿

懷甯縣志

魯常字碩甫懷甯舉人睢甯訓導端士習正文體甚有名稱病

去官避地蘇州咸豐十年蘇城陷賦絕命辭同妻女等投湖殉

難從弟壽昌同死之是年文生楊蔚生在杭州殉難

懷甯縣志

李世楷字光徽懷甯武生寄籍滁州同弟童生光耀辦團練屢

敗賊於盱眙殲賊於滁州南咸豐十年世楷戰敗及光耀皆死

之同治七年胡肇智奏蒙

旌卹又是年總兵銜參將張振魁在山東濟南陣亡從九品丁澤東從

征江甯五品軍功饒功健文童饒功銓白慎修白允階禦賊江

甯三汊河監生何鴻儒在集賢關守備葉廷芳在桐城四品銜

舒坤二在盱眙河石橋均力戰死又江振泰張孝思采辦多隆

阿營米劉德修辦理甯國糧餉均各殉難懷甯縣志

張開馨字香巖桐城人浙江從九品咸豐八年署常山典史髮

賊犯境竭力防堵十年委巡省城清波門城陷與桐城文生陳

裕源死之均

卹蔭如例又舉人葉潢監生葉滑浙江縣丞葉泳泳弟嘉淦俱在杭城

闔門殉難桐城縣志

熊光洛潛山人廣東布經歷在浙江帶勇陣亡又前浙江石門

知縣熊光煦在籍禦賊捐軀潛山縣志

熊光湖潛山人布經歷禦賊陣亡於同治十一年

旌卹坊黃鉅奏案

張臻懷甯人江蘇從九品咸豐十年在常州府帶練巡防城陷

死之

恩卹銀兩世襲雲騎尉江蘇奏案

朱溶桐城人縣丞咸豐十年曹州府屬打鉞陣亡世襲雲騎尉

順天府奏案

胡世傑桐城人從九品咸豐十年帶勇禦髮賊陣亡世襲雲騎

尉是年姚芳林左東海汪永言潘鵬萬團練禦賊戰歿芳林妻

室子女並死之吳璵率練堵賊楊梅山與周志才王照明均死

之諸生張驥在西鄉汪良珠在高嶺山阮北城在曹家岡周彩

和在義津橋張玉荃在雙港鋪俱帶勇禦賊陣亡諸生伍曦伍

鈞王印蘇保求均各殉難桐城縣志

吳承頤桐城監生咸豐十年在甯國小東鄉闔門殉難子希庸

縣學生在江西聞家難服毒而死桐城縣志

馬景恆字德符桐城人湖南黔陽縣典史咸豐十年調署綏甯

城陷殉難世襲雲騎尉桐城縣志

崔含英崔守信俱潛山人六品軍功咸豐十年禦髮逆於劉蒿

阪均陣亡潛山縣志

羅遵殿字澹村宿松進士道光中由直隸唐山縣知縣洊升浙

江湖州府知府弭烏程等縣譁漕之變建歸安書院擒劇盜百

餘治行第一調杭州擢湖北安襄鄖荆道甚有惠政咸豐二年

粵匪陷武昌遵殿赴楚豫交界之黃渠鋪會拏土匪三年徧歷

下游履勘形勢駐兵防剿四年督帶兵勇防堵石灰窰歐家集

小河等處派隊扼安陸至府河一帶剿賊疊勝克復潛江京山

等城六年遷兩淮鹽運使仍留湖北襄辦糧臺七年升湖北按

察使八年升布政使時巡撫胡林翼統兵出省凡用人行行政籌

運餉稽悉倚遵殿九年授福建巡撫調浙江巡撫浙省向供甯

國一軍恃以堵禦門戶故省城久不設備遵殿到任畱心吏治

籌畫軍需方思整軍選將自固邊防咨調楚軍蕭翰慶援浙未

至十年二月大股賊匪即由甯國竄入倉卒登陴設守援絕城

陷死之妻女眷屬闔門殉難當經

文宗顯皇帝降

旨優卹嗣因御史高延祐奏參將卹典撤銷同治元年曾國藩奏遵殿

以死勤事懇照初次

諭旨給予優卹得

重修安慶通志

卷二百三 人物志

忠節

欽

安慶府

旨允准

贈右都御史銜

賜祭葬諡壯節史館立傳建立專祠世襲騎都尉遵殿外任二十六年

身後止薄田四十畝土屋十餘間云史館鈔傳 桐城縣志 表忠錄 浙江忠義錄

陳韜字龍巖懷甯人江蘇知州調辦杭州團練咸豐十一年杭

城陷率勇巷戰死韜父廷弼任岷縣典史率練剿賊傷亡韜子

候選知縣珩戰死俱於同治七年

旌卹

韜世襲雲騎尉懷甯縣志 浙江奏案杭城之陷也從九品龔銓同子乃俊乃

輯均巷戰死懷甯縣志方華字樹蘭桐城舉人浙江知縣咸豐十一年委防慶春門城

陷率勇殺賊與子縣丞莖同死之全家殉難於同治六年

旌卹

世襲雲騎尉桐城縣志

許谷良桐城人咸豐十一年率眾馬鞏山禦賊陣亡又監生王

琳率勇擊賊麻馬山被執死之兩江忠義錄

周顯啟太湖人把總從軍浙江咸豐十一年八月髮逆竄東陽

顯啟引隊接戰陣亡是年十一月杭城再陷太湖人候選巡檢

王立屏守鳳山門巷戰死之太湖縣志

王興茂太湖人把總咸豐十一年在杭州城外陣亡太湖縣志

張用煦桐城人浙江縣丞巡防武林門咸豐十一年城陷死之

恩卹

銀兩祠坊世襲雲騎尉浙江奏案

姚葉葵桐城人未入流委帶浙江礮船迎護糧米咸豐十一年

在錢塘江遇賊接仗陣亡於同治六年

恩卹

銀兩祠坊世襲雲騎尉浙江奏案

方宗源桐城人浙江富陽縣丞城陷殉難於同治十年奏請

旌卹

浙江
奏案

陳崧廩生朱紱監生孫述命練總俱懷甯人籌辦官軍芻糧咸
 豐十一年均被髮賊所害崧兄大受同死之練總王堯賓練勇
 江萬村何忠慷阮鳳美程康昇潘堯明潘成章潘曙嵐潘懷和
 民人費永林於孟元於學才黃步曾俱禦賊陣亡高超凡甯彝
 玉余繼貴為官軍偵探幹辦遇賊被害歲貢程楠江不食死監
 生陳臻胡筠諸生潘鈞汪蔚其江從辛侑生丁志大葉祥禮醫
 士鄭古儔均殉難徐毛保鄭必安胡祖堯鄭長興胡東昇劉照
 庭徐德鳳文生王太平均各全家殉難懷甯
縣志
 張學雲都司銜守備吳長春五品銜千總俱懷甯人咸豐十一
 年從巡撫翁同書駐壽州禦苗逆城陷巷戰死是年六品軍功
 楊儀文從提督楊岳斌圍安慶剿髮逆中礮死衛千總張啟鴻

外委濮得元從征江甯勇目丁萬福調防祁門均各陣亡懷甯
縣志

吳樹滋桐城人咸豐九年率族眾拒髮賊於黃檗嶺子履坤龍
 文皆陣亡十一年樹滋復糾眾禦賊力竭赴水死是年諸生陶
 躍鱗在廬江被執不屈死蔭雲騎尉又監生王琳字墨書嘗籌
 助軍餉是年率團擊賊麻篤山六品軍功章二桂帶勇堵賊斗
 潭陶鑒傳率勇禦賊鮑家店均各陣亡監生光勳字瑞六家饒
 於資遇水旱災竭力賑濟及是年七十餘矣率里人團防禦捻
 逆祿峯口練潰遇害庠生嚴鈔率子嘉甫宗培團練禦賊均死
 之吳發宇吳永貞吳愛德江寅清程曉文蘇振森蘇漸能蘇漸
 儀楊得眾謝擇之並死之桐城縣志
桐城呈案
 王樹勳字堯賓桐城庠生咸豐十一年在河南汝甯府禦捻賊
 陣亡桐城縣志

余茂林王心平劉士才胡集星俱潛山人咸豐十一年禦賊油

坊壩陣亡潛山縣志

戴長庚字黻亭太湖人四川安縣典史咸豐十一年髮賊竄安

縣城陷長庚與弟文華均巷戰死

賜卹如例太湖縣志

周秀華太湖人寄居宿松咸豐十一年率眾堵賊雙墩陣亡江兩忠義錄

忠義錄

姬文奎懷甯人六品頂翎外委咸豐間與從九品仰臻邵必雍

文童趙郁才宣邦翰宣禮保陳喜禮佾生丁顯達均禦賊陣亡

於同治七年

旌卹胡肇智奏案

張同登字鏡江桐城進士用雲南知縣補大理府之雲南縣軍

功升知府護迤西道督剿回匪在祿豐陣亡奉

旨優卹建立專祠桐城縣志

黃爾康胡子宜俱桐城人從九品先後隨營殉難均世襲雲騎

尉又從九品李遠儀陳名遠胡濟吳秉成方緒澄守備范錫之

咸豐年閒先後在籍禦賊陣亡俱世襲雲騎尉桐城縣志

劉興義桐城人千總咸豐閒在蠟磯禦賊陣亡桐城縣志

李萬榮潛山諸生與張振之集團禦賊戰敗賊索張急萬榮出

稱振之是己賊支解之潛山縣志

朱翠如潛山人咸豐閒督練堵賊長嶺菴又練首余桂芳程嘉

穀程育良程周南俱在長嶺岡林普義等在長嶺之林灣余志

宏李焱南等在康陂山均各陣亡潛山縣志

吳壽萱宿松庠生咸豐閒同監生吳方璧練首虞曉巖石開先

石待聘李燦文汪福林許春田余煥文均團練禦賊與團勇陳高順二百十三人及助戰民人羅福崇等六人均陣亡於同治

旌卹 宿松縣志

徐光裕宿松人縣丞咸豐年間禦賊殉難又九品周節從九品鄧元周任昌附貢羅兆熊文生方玉徐先矩許新嗜武生陳林蘇立功張應珠監生鄧安曉鄧邦相鄧朝旭周興徐士旂陳延璧潘士國均各殉難於同治年

旌卹 宿松縣志

宗秀琪宗騰靖宗騰館俱宿松人在營打仗陣亡又陳榮桂陳開先陳其國陳其家陳結義在籍助戰殺賊陣亡 宿松縣志 夏鳴鑾歐樹謀詹中太李殿元董發雲程樂松沈發言俱望江

人咸豐間結團禦賊與章芹之等百八十八人先後陣亡均祀

昭忠祠 望江縣志

胡立達宿松人提舉銜陝西知縣咸豐年間同六品銜胡與淦五品銜徐倉石在甘肅陣亡又勇丁余安福張騰蛟王德福在陝西各營陣亡均於同治年奉

旌卹 宿松縣志

胡與祐宿松人從多隆阿援陝西保六品頂翎從九品同治元年髮逆陳得才等由河南竄陝渭南陷與祐死之 宿松縣志 方曜吉桐城人軍功五品同治元年從征髮賊在湖北孝感黃陂交界之木蘭山陣亡蒙

旌卹 桐城縣志

江鐸潛山人以直隸州從軍同治元年隨同克復甯國縣城加

知府銜受傷卒於軍甯國縣志

陳鷺峯潛山人藍翎千總同治元年從征潁州府力戰陣亡六

年

賜卹世襲雲騎尉潛山縣志

胡宗誠桐城人六品軍功同治元年帶勇陣亡九年

旌卹桐城縣志

葛啟玲懷甯人浙江歸安縣隸溪巡檢同治元年髮逆竄踞湖

州啟玲在任死節是年髮捻合圍潁州六品翎頂外委譚煥文

赴潁西偵探遇賊死程明珠禦賊於溪西范祿力戰於箬嶺六

品軍功徐承先從征江甯均各陣亡懷甯縣志

龍森字書樓桐城人同治初任浙江龍游知縣率勇剿賊陣亡

世襲雲騎尉桐城縣志

葉淮字仲山桐城附監生四川鹽源縣丞軍功保知縣同治二
年髮逆石達開由滇竄甯遣淮督兵河西齧血作詩誓死力戰
陣亡

贈知府銜世襲雲騎尉其年石逆伏誅淮子春榮手割石逆之肉以祭

桐城縣志

鄧爾昌字仲韓桐城人湖南會同知縣軍功以直隸州用同治

二年石逆餘黨竄會同城陷爾昌罵賊死

贈道銜世襲雲騎尉桐城縣志

石承慶懷甯人都司同治二年在壽州禦苗逆陣亡又六品外

委黃應期從征江陰之楊舍五品銜縣丞汪植崙從征江甯之

三汊河營弁於啟順從征上海均剿髮賊陣亡植崙

旌卹如例是年浙江縣丞劉鸞鈞在湖州府城全家殉難懷甯縣志

汪士林桐城人効力江蘇軍營同治二年溧陽守賊密約投誠

李鴻章命士林往招往返數次事垂成行過震澤遇賊被害祀

昭忠祠桐城縣志

吳啟瑞齊紹先齊廣惠俱桐城人同治二年擒匪竄境均以被

脅不從遇害桐城縣志

石兆雲桐城人從多隆阿剿賊立功累保千總同治二年在陝

西陣亡蒙

贈都司銜世襲雲騎尉是年外委孫福星從楚軍在陝西臨潼關剿回

匪陣亡蒙

旌卹又馬白字少眉在陝西剿回匪陣亡桐城縣志

孫飛熊潛山人游擊從征陝西鳳隴陣亡世襲雲騎尉又六品

軍功王良貴從征陝西同州府陣亡於同治二年

賜卹又蕭可和蕭旺周凌普照倪紹祥張雲芳黃日元張永清汪官選

吳萬勝余邦哲江湘南陳義發均在陝西陣亡於同治二年

賜卹潛山縣志

李德鍾太湖舉人陝西知縣升用直隸州知府同治二年運餉

至城固城陷殉難

賜卹如例太湖縣志

曹連貴望江人藍翎把總同治二年從征陝西回匪陣亡世襲

雲騎尉望江縣志

張徵庸字臣堯桐城人福建霞浦知縣同治三年檄辦平和團

練至南靖遇賊被害奉

旨優卹贈知府銜世襲雲騎尉桐城縣志

張明達字文波桐城人福建縣丞署龍溪典史同治三年髮逆

竄龍溪城陷焚死 桐城縣志

方昌烈字少仲桐城人累功保福建都司防堵海口遇賊力戰死事聞

賜卹 桐城縣志

方顯庭字象卿桐城人福建縣丞保知縣在漳潮巡檢任捍禦海寇死

贈同知銜世襲雲騎尉 桐城縣志

方寶駿字硯農桐城人福建從九品署邵武縣丞粵賊竄境城陷不屈死

贈知縣銜世襲雲騎尉又文生鮑承寬在福建南靖縣死髮賊之難蔭

雲騎尉 桐城縣志

邵維新字小魯懷甯人貴州平越知州集團攻克湄潭縣賊巢

解龍泉縣圍保知府兼攝綏陽縣時逆匪吳元彪等攻綏陽維新堅守八閱月糧盡援絕於同治三年二月城陷巷戰陣亡奉

旨從優議卹准建專祠 懷甯縣志

謝世選王家學潘繩武俱懷甯人同治二年從曾國荃克復金陵陣亡 懷甯縣志

汪盛遇字傑才太湖歲貢初咸豐七年命子瓊瑤帶勇禦髮賊衛鄉里同治三年盛遇年八十九矣親帶團勇擊擒匪於西北

鄉遇害八年

旌卹歲貢汪盛洽同時殉難 太湖縣志

程學啟字方忠桐城人初陷賊被脅為偽官咸豐十一年曾國藩圍安慶學啟自拔來歸積功補都司擢參將同治元年奉檄從李鴻章赴上海擊賊漕河涇又擊之於虹橋下青浦解北新

涇及四江口圍連戰皆捷累擢總兵加提督銜授江西南贛鎮總兵二年下太倉崑山新陽進兵蘇州學啟議先斷賊歸路後絕其外援旋克花涇港轉戰同里復吳江震澤克太湖東西洞庭奪寶帶五龍等橋隘分兵迎擊嘉湖賊之撲吳江者斬數千級乘勝克蠡口黃埭許關虎邱各賊壘城賊窮蹙乞撫遂復蘇州省城計殲諸僞王安反側第功為最先後奉

旨記名提督

賞穿黃馬褂給雲騎尉世職進兵平望復浙嘉善三年攻浙嘉興以炸礮摧其城率死士梯登及半中鎗子氣絕復蘇提督劉士奇等乘勢猛攻遂克之學啟沈毅勇敢能謀能斷與士卒同甘苦所向克捷為近世名將創發卒於軍年三十五

贈太子太保銜諡忠烈史館立傳祀昭忠祠並於原籍及立功地方建

立專祠金陵克復加輕車都尉世職

桐城縣志

葉義桐懷甯人泗州營外委殺賊陣亡

喬松年奏案

徐開業潛山人千總同治四年在泗州剿賊陣亡

潛山縣志

錢桂仁桐城人游擊銜閩浙都司同治四年十月嘉應州剿匪

陣亡五年

卹銀四百兩世襲雲騎尉

左宗棠奏案

鄭德桂桐城人從九品客江西安仁縣幕佐辨防堵同治四年

靈勇過境譁變遇害

桐城縣志

馬克昌字由庚桐城人累保游擊同治四年在甘肅陣亡

桐城縣志

黃金山潛山人藍翎把總在河南畢營寨剿捻陣亡又外委歐

宏元在湖北廣濟守備曹連升在襄陽陣亡均於同治五年

賜卹

潛山縣志

宋良字少眉望江人陝西延長知縣升直隸州知州同治六年父憂畱陝帶勇捍禦回賊與子庸榛均陣亡奉

旨優卹贈知府銜世襲雲騎尉望江縣志

張杰字漢卿潛山舉人陝西宜君知縣宜君舊無城杰建城募勇整飭守備回賊屢次撲城擊卻之同治六年城陷死之弟又被脅不屈亦遇害杰蒙

贈卹世襲雲騎尉潛山縣志

王得華楊得順陳元勛俱潛山人從征擒匪在湖北陣亡於同治六年

賜卹潛山縣志

白璧桐城人從潘鼎新剿擒匪積功保從九品同治六年在海州阿湖寨與賴逆接戰陣亡蒙

贈鹽知事銜世襲雲騎尉桐城縣志

方有道字名山太湖人從軍浙閩積功至總兵加提督銜同治六年李鴻章調剿山東擒匪在魚台縣力戰傷亡親兵太湖人朱慶裕方重興同死之太湖縣志李年青宿松人從征湖北積功保千總同治六年在永漜河陣亡

贈守禦所千總銜世襲雲騎尉宿松縣志

鄧兆璫字葆初宿松人陝西延長縣典史同治七年回匪竄境兆璫同次子某督勇堵禦力戰均死之奉

旨旌卹宿松縣志

楊秉璋懷甯人由通判從軍四川游保候選知府同治八年追剿猓夷在甯遠府西昌縣陣亡

贈太僕寺卿銜建立專祠世襲雲騎尉

懷甯縣志

查士瑗懷甯人候選巡檢同治八年在直隸邢州帶勇禦騎馬

賊陣亡

懷甯縣志

曹吉士黃玉桂黃廷經熊春發孫萬榮程其田黃廷謙俱潛山人在湖北剿捻陣亡均於同治八年

賜卹

潛山縣志

劉恆海劉恆升劉德修並懷甯童生禦賊殉難

黃銓奏案

陳澤源宿松人潛山營書識嘗隨知縣劉東書帶勇駐防太湖

後與兄大椿先後遇賊殉難

宿松縣志

重修安徽通志卷二百四

人物志

忠節三

徽州府

陳程文季字少卿新安人重安縣公靈洗之子也幼習騎射多幹略從靈洗征討必先登陷陣累遷為貞毅將軍新安太守討畱異降向文政平陳寶應所向克捷靈洗卒文季盡領其眾性至孝雖軍旅奪禮而毀瘠甚至襲封重安縣公太建五年吳明徹北討至秦郡文季領驍勇拔開其柵克之又拔涇州下盱眙圍壽陽凡置陣役人必身先之軍中服其勤幹齊人深憚之謂為程虎以功遷北徐州刺史後隨吳明徹北侵軍敗為周所囚逃歸至渦陽為邊吏所執還送長安死於獄中後主知之贈散

騎常侍以子饗襲封

陳書本傳

唐吳九郎休甯人黃巢寇至舉義兵保障鄉井與賊戰不利馬

上自刎奔逐半里身方墜地死

一統志

宋凌唐佐字公弼休甯人元符三年進士建炎初提點京畿刑獄加直祕閣知南京南京陷劉豫因使為守唐佐與宋汝為密疏其虛實遣人持蠟書告於朝呂頤浩過常州得唐佐從孫憲授保義郎閤門祇候俾持書遺之憲至睢陽事洩豫捕唐佐并其家憲脫歸唐佐見豫責以大義豫怒斬唐佐境上李橫復頴昌言於朝詔贈徽猷閣待制

宋史本傳

曹夬黟縣人崇甯二年進士任本州通判方臘之亂死其官

通志

曹文黟縣人登崇甯五年第任睦州建德丞方臘之亂死其官

詔進秩三等與三子恩澤

黟縣志

盧臣忠字仲信黟縣人政和二年登第歷官右正言扈駕至建康金使有迫近御舟者臣忠叱退之失足墜水中數日帝使沒者拯之得其尸拱立如生贈右諫議大夫官其二子

宋史高宗紀萬姓

統譜

程全字禹昌休甯人宣和末方臘盜起縣令翁由棄印去全起義兵遮道請畱賊平授修武郎靖康初從宗澤破金人於衛州苗劉之亂從劉光世勤王授開州團練使忤建康畱守杜充會金人入寇充督之出戰眾寡不敵死贈協中大夫

萬姓統譜

朱弁字少章婺源人建炎初議遣使問安兩宮弁奮身自獻詔補修武郎為通問副使至金守之以兵弁以書與言利害甚悉不聽紹興二年忽遣宇文虛中來言和議可成欲弁與正使王

倫探策決去畱弁曰吾來自分必死豈應覬倖先歸倫將歸弁請曰今之印古之節也願畱印使弁得抱以死倫解與之弁懷之臥起金人迫之仕劉豫弁曰豫國賊吾恨不食其肉肯仕之耶金絕其餼遺以困之弁忍饑待盡金亦感動復禮如初十三年和議成弁歸入見便殿賜金帛甚厚有司校其考十七年應遷數官秦檜惡其言敵情僅轉奉議郎宋史本傳

王觀國字賓老祁門人紹興十八年進士授陝州宜興縣尉值賊起不屈被害事聞贈官一等授其子伯熊贛州安遠縣丞江南通志

詹世勛婺源人父光國以拒方臘死於戰世勛以紹興三十年薦為舒城縣民兵正將弟世勳副之世勳募得六百二十人教之戰陣與其甘苦謂之義士會散去安家而金兵數千突至義

士在者惟六十人世勳即率之接戰大敗金人於栲栳原明日悉眾復來呼世勳降世勳厲聲曰我大宋義士豈降爾耶金人攢射之中數箭死萬姓統譜

程光庭字朝望休甯人嘉定戊辰進士調羅山尉金人犯境光庭出戰每克金人窺斬黃趙方辟為節制三關步軍策應歿於王事贈朝奉郎江南通志

許月卿字太空後字宋士婺源人祖琳輕財好施朝旌其閭父大甯有學行月卿登淳祐四年第時徐光杰力攻史嵩之史陰醜之月卿率三學諸生伏闕訟冤又數上書斥丁買奸邪出佐江西漕宋亡衰經終身謝疊山嘗書其門曰要看今日謝枋得即是當年許月卿一統志

程洙休甯人淳祐十年進士授貴池縣主簿調上元縣撫字盡

誠及代民請留不得發元兵入建康百官投牒降附洙仰天歎曰吾受宋官二十餘年忍移所守以偷生乎自縊死子徹能世其學

一統志江蘇名宦一萬姓統譜

胡廷桂字伯詵婺源人咸淳七年進士授平樂尉饒守唐震知其才辟居簽幕德祐元年元兵臨城與震協謀捍禦城陷同死

之萬姓統譜

夏師堯字達德休甯人咸淳十年進士授諫議郎以忤權奸被謫後為翰林學士承旨扈從航海元兵襲崖州死之

江南通志

江友直字德正婺源人父資深以明經為歙教諭遂居歙友直以薦為本州教授巴延入臨安友直升堂慟哭不食死葬梅口人呼其墓為餓殺冢

江南通志

程楚翁婺源人元兵入臨安江東皆下楚翁結死士謀復郡城

事泄被執脫去投馬廷鸞謝枋得在閩遂往從之及枋得被執

北去無所依死逆旅中

萬姓統譜

汪維崇字賢甫歙縣人福王與芮聞其賢妻以女授承節郎及宋亡語其弟維岳曰我受宋恩國亡不死何以見祖宗於地下遂不食死

江南通志

項文薦婺源人咸淳進士宋亡殉節元諡曰烈

婺源縣志新編

元汪澤民字叔志婺源人寓居宣州延祐五年進士授承事郎歷官奉議大夫知兗州所至稱神明至正三年除國子司業預修三史書成遷集賢直學士未兩月告歸以禮部尚書致仕十五年長鎗軍瑣南班等犯宣州或勸之去澤民曰我雖無官守受國厚恩臨危愛死非臣子節凡籌畫戰守多出其策累敗賊兵明年賊來益眾城陷不屈遂遇害時年七十追封譙郡公諡

文節元史類編

程兼善休甯人斬黃賊陷郡城兼善與郡人孫普哲起義得敢死士數百人直抵城下眾寡不敵力戰死焉鄭玉為作義民錄

徽州府志

鄭玉字子美歙縣人覃思六經尤邃於春秋受業者眾至不能容即所居構師山書院處焉至正十四年除翰林待制辭不出十七年明兵入徽州守將要之出降玉曰我豈事二姓者哉具衣冠北面再拜自縊死鄉人即其師山書院改廟祀焉元史類編

吳訥字克敏休甯人少學兵法習騎射至正末斬黃盜起鄭玉薦其才授建德路判官明兵臨郡隨元帥阿魯輝退屯浙西札溪源巡邏至界首白際嶺戰敗引刀自刎年僅二十七元史類編

江日新歙縣人斬黃盜起陷郡日新與其弟起義兵相持兼旬

寇來益眾兄弟皆戰死元史類編

程擇字義夫婺源人舉充集慶路訓導與族兄復心注釋周禮進於朝授武昌路學正借充元帥府統軍掾史領軍討道州叛徭俘馘甚眾升教授壬辰紅巾賊亂起義兵固守救兵不至城陷死之子四人尚忠守禦香山岩歿於賊尚文亦遇害尚質尚彬得逸去不知所終元史類編徽州府志

王壩字仲肅婺源人以薦歷任台州府判官明兵下台州壩死之徽州府志

程鵬翼字九萬婺源人官袁州路知事至正末兵起城陷不屈舉室遇害徽州府志

王銑字伯恂婺源人至正四年中浙江省試授瑞安州學正以父喪歸乙未冬江黃寇再陷婺源院判哈迷駐德興召謀恢復

為寇所覺害之人表其墓為王節士云徽州府志

俞士英休甯人蕪黃賊陷婺源士英率子姪結鄉曲屯於馬金

嶺以保鄉里賊至與戰大捷明日賊大至眾寡不敵力戰死休甯縣志

黃元承字子原婺源人以蔭為於潛主簿遷丹陽尹遇賊不屈

死萬姓統譜

明程國勝初名元佐休甯人元末結義兵保鄉里明太祖兵下

徽州賜今名敗楊完者累功至萬戶守南昌與牛海龍夜劫陳

友諒營泗水得脫太祖征友諒戰鄱陽張定邊直前犯太祖舟

國勝與韓成陳兆先駕舸左右奮擊太祖舟脫國勝等繞出敵

艦後援絕力戰死而南昌城中謂國勝已前死故豫章康郎山

兩廟俱得預祀追封安定郡侯諡忠愍一統志明史趙德勝傳

王清字溪安休甯人太祖戰鄱陽清詐降友諒為內應舉火中外夾攻火中猶作戰鬪狀遂焚死贈盱眙子肖像康郎山廟明史

功臣表江南通志

按江南通志作汪清考明史祀康郎山者三十六人有王清

無汪清功臣表亦作王清

程顯祖祁門人從明太祖討陳友諒戰死鄱陽湖贈正千戶同

邑謝進為督運長亦戰死於鄱陽祁門縣志

王用黟縣人從明太祖討陳友諒司旗鼓鄱陽之戰友諒兵取

其首去猶植立援枹鼓聲甚疾太祖曰天下有此壯士贈千戶

蔭其子琬授千戶世襲黟縣志

程通字彥亨績溪人祖平坐法遣戍延安父以誠冒瘴死嶺表

通徒跣昇父柩歸廬墓三年上書乞赦還其祖詞甚哀切太祖

憐而許之通舉應天鄉試授遼府紀善燕師起從王泛海歸京師上封事數千言陳備禦策進左長史永樂初從王徙荊州有言其前上封事多指斥者械至死於獄并逮其友徽州知府績溪黃希范論死籍其家明史本傳

國朝乾隆四十一年並

賜諡節愍勝朝殉節諸臣錄

黃彥清歙縣人建文時官國子博士以名節自勵永樂初坐在梅殷軍中私諡建文帝誅死福王時贈光祿少卿一統志明史程通傳

國朝乾隆四十一年

賜諡節愍勝朝殉節諸臣錄

鄭居貞徽州人明史云閩人洪武中舉明經授鞏昌通判升禮部郎中文行為時所重歷進河南參政永樂初坐方孝孺黨論死初

孝孺教授漢中居貞嘗作鳳雛行贈之且其以忠信相砥勉死之日從容赴市無一言及私一統志明史方孝孺傳

國朝乾隆四十一年

賜諡節愍勝朝殉節諸臣錄

洪宏祖歙縣人為郡守陳彥回所重靖難兵起宏祖白守勤王永樂初收彥回宏祖投水死歙縣志

程思溫字叔玉婺源人正統丙辰進士授中書舍人升禮部員外郎以清慎著聞己巳扈英宗北征死土木之難景泰癸酉追贈光祿少卿錄一子太學一統志明史王佐傳

汪中和休甯人父享自貴州軍籍還老不能行中和往代都勻苗寇起所居堡僅百人欲奔中和按劍叱之曰國家養我輩何用堅守不動賊入且戰且詈遂遇害時正統十四年七月也休甯

縣志

莊英字志彥歙縣人成化辛卯舉人除夏邑教諭升廣昌知縣
閩寇竊發挺身赴捍遂為所害贈建昌府通判錄其子潤太學

徽州府志

劉輔新安衛指揮使宸濠叛領軍禦之左臂為賊所斷猶揮刃
殺一人而死與輔同死者張璽字國用新安衛指揮僉事事聞
遣官諭祭璽嘗刲股療母疾

徽州府志

賀鐸字子振新安衛右所正千戶從譚綸擊倭海上又隨之入
閩勇敢深入以功升守備南韶流賊馬五作亂鐸討之斬馘二
百方作竈炊食賊忽悉來兵潰鐸曰今日乃吾死所直前挺戰
而死詔世襲指揮同知敕所在立廟祀之

徽州府志

王應禎祁門人嘉靖中以征倭功授通州百戶升新安衛指揮

僉事流賊犯婺源應禎往擊直衝賊營賊眾披靡乃合圍之以
援絕力戰而死詔蔭其子時武舉王欽被執不屈極口罵賊支
解死

統志

何子實休甯人姓朱傭於何遂從其姓倭入寇子實以材官從
破倭身質海上計取徐海補本衛百戶流寇犯婺源子實從征
被重傷死詔蔭其子為總旗官

徽州府志

汪一中字正叔歙縣人嘉靖甲辰進士由開封推官歷江西副
使鄰境賊入寇薄泰和一中方譙投箸起曰此豈飲酒時乎當
路遂以討賊屬之先是泰和巡檢劉芳力戰死一中至率諸將
吏祭之曰爾職抱關猶死疆事吾待罪方面不滅賊何以生為
遂誓師列陣俘斬五人明日賊大至左右軍先潰賊悉赴中軍
中軍亦潰一中躍馬當賊鋒射殺二人手刃一人而左脅中鎗

二臂中刃三遂戰死贈光祿寺卿給祭葬諡忠愍明史本傳

程箕字斗南績溪人以歲貢授福安教諭嘉靖閒倭寇陷城或

謂君非守土宜避去箕曰義有死耳何避為遂遇害弟子從死

者二十二入監司上其狀詔褒恤之一統志

凌子儉字仲廣歙縣人萬曆戊子舉人歷戶部郎升雲南曲靖

知府道經貴州值安西之變督撫留為監軍子儉畫策防禦圍

久糧絕日食米僅半勺至煮草以食子儉乃書壁曰一瞑萬世

弗視九死百折不回遂歿江南通志

詹兆鵬婺源人官應撫新標營守備崇禎十年禦賊宿松衝鋒

陷陣罵賊觸石死明史陳于王傳

國朝乾隆四十一年

賜諡烈愍勝朝殉節諸臣錄

汪翥歙縣人官副總兵崇禎十五年帥兵援松山之圍

大兵破松山被執不屈死之明史懷宗紀

國朝乾隆四十一年

賜諡節愍勝朝殉節諸臣錄

吳賜玉字輯五歙縣人戶部尚書中明孫也以蔭授江西南康

府判賊寇南康賜玉往剿賊圍之數日從騎皆沒猶苦戰殺數

賊而死詔贈按察司僉事廕一子祀名宦江南通志徽州府志

國朝乾隆四十一年

賜諡烈愍勝朝殉節諸臣錄

方國儒字道醇歙縣人少孤事母至孝天啟辛酉領鄉薦知保

康縣賊張獻忠寇境國儒力戰七晝夜賊始退踰月復擁眾十

餘萬自房山來攻外援盡絕被執罵賊中七刃死明史本傳

國朝乾隆四十一年

賜諡烈愍勝朝殉節 諸臣錄

康正諫字秦木祁門舉人任和州學正崇禎八年賊獻忠陷城正諫赴泮池死妻汪氏子婦章氏同赴井死贈國子監丞一統志

明史黎宏業傳

國朝乾隆四十一年

賜祀忠義祠勝朝殉節 諸臣錄

汪偉字叔度休甯人崇禎初進士知慈溪縣政績大著擢翰林檢討充東宮講官賊陷承天荆襄偉以畱都根本可慮上江防網繆疏上嘉納之為特設九江總督及賊犯都城守兵乏餉偉出資市餅餌充食城陷偉語繼室耿善撫幼子耿曰我獨不能死乎先投繯死偉欣然貽子觀書勉以忠孝乃自經明史本傳

世祖章皇帝賜諡文毅一統志

汪文熙黟縣人以掾史授武昌府經歷廉能有才多著政績崇

禎十六年張獻忠陷武昌文熙被執罵賊不屈死之明史徐學

縣志

國朝乾隆四十一年

賜祀忠義祠勝朝殉節 諸臣錄

金聲字正希休甯人崇禎元年進士授庶吉士

大兵偪郟城聲慷慨乞面陳急務召對平臺嘉納之改御史屢疏言國家事不用遂乞歸八年起山東僉事兩疏力辭鄉郡多盜聲團練義勇為捍禦十六年冬廷臣交薦即命召用促入都陛見未赴京師陷福王擢聲左僉都御史堅不起南京城破列郡望風迎降聲糾集義勇保績溪黃山分兵扼六嶺唐王遙授聲

右都御史兼兵部右侍郎總督諸道軍復旌德甯國諸縣
大兵襲破之聲被執不屈死唐王贈聲禮部尚書謚文毅明史本傳

賜謚忠節勝朝殉節諸臣錄

江天一字文石歙縣諸生金聲弟子也父士潤宦楚以獻賊之
亂沈江死天一孤貧力學慷慨自許乙酉佐聲起兵固守聲被
執語天一日子有老母不可死對曰天一同公起兵可不同公
殉義乎遂拜辭母與偕死明史金聲傳

國朝乾隆四十一年

賜謚節愍勝朝殉節諸臣錄

鄭為虹字天玉歙縣人儀徵籍崇禎癸未進士除浦城知縣唐
王知其廉召為御史部民相率請畱有十不可去之說乃令以

御史巡視仙霞關尋令巡撫上游四府兼領關務鄭芝龍懷異
志撤守關兵

大兵長驅直入為虹回浦城縱士民出走獨守空城被執不降死
從死者有僕陳龍明史本傳

國朝乾隆四十一年

賜謚忠烈勝朝殉節諸臣錄

洪祖烈字定遠休甯人吳江籍以武進士歷官副總兵與鄭為
虹同守仙霞關

大兵入關從唐王走浦城被執不屈死福建通志

國朝乾隆四十一年

賜謚節愍勝朝殉節諸臣錄

吳霖歙縣人官桂王兵科給事中以阻孫可望封秦王為可望

重刊後通志 卷一百四
所殺明史嚴起恆傳

國朝乾隆四十一年

賜諡烈愍勝朝殉節諸臣錄

鄭允元歙縣人爲桂王中軍都督府左都督奉命圖去孫可望事洩爲可望所殺明史吳貞毓傳

國朝乾隆四十一年

賜諡烈愍勝朝殉節諸臣錄

吳開先歙縣人遊澤州崇禎五年流賊躡山西監司王肇生知開先勇略署爲將官甯夏副總兵使擊賊賊敗去從沁水轉掠大陽城開先渡沁戰擊斬數百人破盡無援戰死明史張光奎傳

國朝乾隆四十一年

賜諡烈愍勝朝殉節諸臣錄

程龍歙縣人官鎮江永生洲副將崇禎十年在宿松鄴家店擊賊夜設伏斬賊六十七級明日賊七營並至力戰不支引火自焚死明史陳于王傳

國朝乾隆四十一年

賜諡烈愍勝朝殉節諸臣錄

張開祚字翼萬婺源人以武舉授溫州守備與同官辨盜誣被搆落職後起爲肇慶府遊擊崇禎閒楚寇劉新宇攻韶州開祚越境迎敵斬俘數百次日窮追遇伏歿於陣贈左府都督同知蔭一子基忠湖廣通志

國朝乾隆四十一年

賜諡烈愍勝朝殉節諸臣錄

汪暉歙縣人官桂王光祿寺少卿桂林破投水死明史瞿式耜傳

重刊後通志 卷一百四 人物志 忠節 三 徽州府

國朝乾隆四十一年

賜諡節愍 勝朝殉節 諸臣錄

胡承熙歙縣人爲均州知州有能聲遷刑部員外郎未行賊至被執不屈死子爾英殉 明史陳美傳

國朝乾隆四十一年

賜諡節愍 勝朝殉節 諸臣錄

游大勳婺源人官廣西府通判普名聲叛與郡人趙定周等往禦死之 雲南通志

國朝乾隆四十一年

賜諡節愍 勝朝殉節 諸臣錄

江朝瀛歙縣人官新野主簿崇禎十四年闖賊破城罵賊死 河南通志

鄭元勳歙縣進士福王時高傑攻揚州元勳責以大義城獲全

後爲亂兵所殺 歙縣志

吳可箕休甯人 歙縣志作歙縣人 遊南雍南都破乃製白衣題詩於襟

自縊於雞鳴山英靈坊 明史高倬傳

馬嘉字六禮祁門人明季舉人甲申聞都城陷整衣賦詩北面

再拜自縊死 一統志

國朝乾隆四十一年

賜祀忠義祠 勝朝殉節 諸臣錄

凌駒歙縣人崇禎癸未進士以職方從李建泰出拒闖賊至保

定駒獨與賊戰被鎗旣死復蘇乃走臨清建義於齊豫間

大兵薄郟城駒以死守勢不可支乃自縊姪潤生亦同死 江南通志 徽州府

程家軾字仲瀾歙縣人崇禎己卯舉人知長子縣值寇薄城挺身出諭為所殺徽州府志

方國煥字孔文歙縣人嘗著定命論時化說尚友解諸書聞明亡刺血題詩自經死徽州府志

吳國楨字希岳休甯人楚撫唐暉用其策剿流寇有功後同江天一江孟卿余元英程有功陳繼遇從金聲死徽州府志

汪志稷字朱齋婺源人崇禎壬午舉人明亡走閩授兵部主事募兵江西陣沒同時諸生曹義榜汪邦耀亦被執不屈死徽州府志

邵偉字無奇休甯人以武科授雷都把總平白蓮賊調南贛行都指揮事山寇偏境偉手刃其魁九人次日會戰深入援絕被執不屈死徽州府志

程士賢字師友歙縣人崇禎己卯以薦知唐縣寇薄城下孤城

寡援死之徽州府志

吳聞禮字去非休甯人錢塘籍崇禎癸未進士明亡與金聲同起兵十月徽郡破聞禮走閩授右副都御史同守仙霞關為叛者所殺徽州府志

汪國偉歙縣人汪翥姪也叢山破與翥同執不屈死歙縣志

曹應鸞歙縣人官上林苑丞深州被圍鸞家城中與州守孫士美分城而守城陷孫自刎鸞亦不屈死妻景氏子培族子煥毓

善光前景氏之弟重英重煥及鸞友洪日章程濟美奴僕四十餘人皆焚死歙縣志

程元將歙縣人客柘皋寇至擁至堂上款之不屈罵賊自刎而死歙縣志

胡雲龍黟縣諸生以直道得罪司教被黜崇禎末年江以南山

賊竊據郡邑雲龍奮臂一呼所至響應一日復石埭青陽二城遂以攻池郡為賊所陷義不屈斷舌斫膝而死黟縣志

曹元功婺源人以拔貢官興山知縣闖賊陷城力戰被執不屈

死婺源縣志

王竣源婺源人以副貢官石城知縣闖賊陷城一家二十七口

皆殉節死婺源縣志

汪公陶戴嚴威皆休甯人明季練義勇數十人捍禦鄉里賊至

敗之追逐至浙嶺虹瑞關賊應至威力戰死陶負重傷歸家五

日死休甯縣志

汪一清字若水歙縣人明季土賊曹和機數千人肆行劫掠官

軍進剿不勝一清集鄉兵與戰於雄溪橋斬其渠葉千斤賊驚

退追殺遇伏中流矢死其子弟以木石斷賊要路更合官軍追

剿賊不得遁所殺殆盡居民安堵為立報功祠於龍溪歙縣志

許文瑾字在予祁門人同弟文玠起兵應金聲聲敗文瑾被執

不屈死之

國朝道光三年

旌祀忠義祠其族人高謨文元亦同死祁門縣志

許文玠字帥五文瑾弟也文瑾被執文玠奔閩授職方司員外

郎與黃道周艾南英同出師文玠出廣信兵敗被執至南京獄

中三月不屈死之長子生佳先戰歿

國朝道光三年

旌祀忠義祠祁門縣志

國朝胡承善歙縣人順治三年由壽州牧遷守建昌時閩寇未靖

規畫守禦郡境全安嗣金聲桓王得仁叛據南昌承善集官吏

盟誓死守偽將金世選過建昌知有備不敢攻而王得仁自贛
回僞爲大將軍譚仁泰叩城給承善郊迎執之不屈遂遇害並
殺其姪爾祉及家屬十餘人事聞授其子爾傑餘干知縣爾銓
廣昌知縣後建昌士民請祀名宦祠歙縣志
方杭歙縣人順治三年任福建將樂縣丞山寇薄城杭偕令錢
楞協力拒守城陷楞合家死難杭率家丁巷戰亦遇害福建通志
增

程啟仁歙縣人順治七年李定國復寇廣西仁隨父文遇迎戰
用梨花火鎗燒死賊都督王之邦仁亦陣亡歙縣志
鄭之文字正卿休甯人順治己丑武進士官台州遊擊丙申馬
信反率羣賊攻城之文單騎衝戰卻之丁酉海寇大至之文堅
守閱月食援俱絕賊斬門入百計誘降之文大罵遂遇害闔門

俱盡節死一統志

江九鼎歙縣人以武舉人官貴州衛守備康熙初從征吳逆數
挫賊鋒後以眾寡不敵力戰死歙縣志
江雷黟縣人明季鳳陽逃兵入祁門殺掠及邑界雷率鄉人擊
走之順治乙酉宋乞爲亂雷與江惴汪京都等以計殺乞賊黨
忿甚雷謂眾曰公等且避我以死當之遂自經於母墓傍乾隆
間

旌表建坊祀忠孝祠黟縣志

汪京都黟縣人宋乞既誅江雷自縊欲潛赴軍門請兵以剿賊
黨聞賊窮搜必得己而甘心因慨然恐累及族黨及出遇賊斫
以刃究其同謀叱曰殺賊者我也與他人何與遂被害黟縣志
葉萬四黟縣人宋乞之亂潛匿廁所伺乞刺之不中被害邑人

重刊 卷二百四
塚像祀之同邑庠生王運午亦以不屈被殺同死者有江完卿等十二人黟縣志

葉萬生黟縣人順治五年江西土寇王之貞掠黟村人咸匿吳家隴萬生潛歸取糧爲賊所執脅之以刃繼以火罵不絕口而死黟縣志

王廷陞婺源人順治己亥逃將李芝率叛卒徧城勒餉傾囊爲邑請命賊貪索無厭乃挺身出諭以大義遂遇害乾隆四年

賜祀忠義祠建坊二十六年奉旨入京師昭忠祠嘉慶七年

賜恩騎尉世襲以六世孫王文彬承襲婺源縣志

王祐光婺源人李芝圍城祐光自其鄉糾義赴救芝使賊黨遇之遇而戰殺賊數百人力竭歿於陣賊忿欲裂之屍起而奔芝

大駭遂撤圍遯邑令祀之於社鄉人歲時往祭其墓婺源縣志

楊鼎成黟縣人客遊滇南吳三桂叛欲脅之助逆不屈而死黟縣志

汪士帽歙縣人以商籍入錢塘學康熙十三年閩逆變亂以薦赴軍前隨征劄授同知十四年奉諭招撫直入賊巢賊怒殺之雍正六年追

卹殉難諸臣內閣撰擬祭文遣地方官

諭祭製牌送入忠臣廟

御書表揚忠勳扁額歙縣志

舒芝采黟縣庠生康熙甲寅閩寇由浮梁破祁門長驅至黟邑民避匿山谷芝采遇賊於途劫而脅問匿所芝采叱拒之賊以火燎其身終不屈會官軍至賊遯越日死黟縣志

汪時欵縣人由府通判隨大將軍溫福征大金川在木果木軍營陷歿蒙

恩廕子以知縣用

歵縣志

戴世佐休甯人錢塘籍田戶部員外升刑部郎中擢思州府知府署大定府乾隆六十年松桃苗變奉委大魚塘總理糧務兼辦田埂坪白站嘉慶元年冬教匪聚小竹山以兵五百禦賊有功二年南籠狃苗作亂督催軍糧觸石舟覆死奏聞奉

硃批實堪憫惜

賞給道銜祀昭忠祠

休甯縣志

張瑛婺源人以禮部掾授葉縣保安驛丞嘉慶二年教匪熾偏其驛掠取驛馬瑛從一林姓僕與之戰殺數賊身受二十餘創與僕俱死奏聞議卹

賜白金一百兩祀昭忠祠以子履謙世襲雲騎尉

婺源縣志兼採戴大昌補餘堂集

項朝槐歵縣人杭州籍由四庫館膳錄署渭南縣丞嘉慶二年奉委解火藥弓箭赴四川軍營旋委帶領鄉勇於安康縣澗池鋪地方堵禦獲勝遇缺以知縣用五月十七日帶領兵勇在漢陰小龍王溝衝進賊陣馬陷泥中歿於陣奏聞奉

硃批可惜著加倍優卹入祀浙省昭忠祠世襲雲騎尉

歵縣志

汪之謨休甯人隨兄鍾祥丞幕團練鄉勇駐札石牌嶺禦教匪有功賞給從九品嘉慶三年賊突至力戰眾寡不敵為所執支解死奏聞

賜卹祀昭忠祠

休甯縣志

汪順樑四川通志作良歵縣人元和籍分發四川吏目嘉慶六年委辦廣屬梁山寺八堡團練七年四月在梁山堡九子山殺賊陣亡

直隸安敬通志

卷二百四 人物志

忠節

六

徽州府

奉

盲人祀昭忠祠世襲雲騎尉

歙縣志

余俊黥縣人以從九品分發福建署順昌縣丞嘉慶十三年赴廈門軍營十四年從水師王提督得祿出黑水洋捕盜遇盜首蔡牽船俊率眾爭登盜擲火罐燒船身被重創猶護提督船歸臥病廈門奏聞以縣丞用竟以傷重而死

賜白金一百兩祀昭忠祠以子承恩世襲雲騎尉

黥縣志

姚國旃歙縣人以諸生知山東曹縣嘉慶十八年逆賊入署一家二十八人皆遇害其戚唐犧匿署後得免為檢其屍葬之

歙縣志

志以上舊志

